



( 90346

後蒙古紀事本末卷下

丹陽韓善徵止仙編輯

鳴爾丹策零寇

大清

雍正二年準噶爾策妄拉布坦納羅卜藏丹津之狀

大清遣使索獻不應

亦不敢犯

大清邊境五年冬策妄拉布坦死子噶爾丹策零立狡黠好兵如其父屢犯

大清邊七年世宗議討之將出師會羅卜藏舍標謀殺噶爾丹策零事覺被執八月噶爾丹策零遣使表獻丹津中途聞師出而止於是冬突劫科舍圖

得志九年

大清靖邊大將軍傅爾丹進兵科布多

六月噶爾丹策零遣大小

數多小策零以兵三萬犯大清北路先遣謀倖為

大隊未至

其前隊千餘駝馬二萬皆在博克托海

大清兵獲詭言厄魯特

日程傳而丹勇

而寡謀遠信之即以兵萬餘來襲副都統定壽永國海壽等交

諫不聽噶爾丹策零以少兵牲畜誘

作既乘四合

乘高突衝遂圍

大清前鋒四千於河通泊

後蒙古紀事本末

卷下

噶爾丹策零寇

大清

一

集眾寡不敵傳而丹以後軍來援噶爾丹策零敗之

大清諸軍遂大潰終

夜甲仗聲不絕惟滿兵四千銜輜重且戰且退渡哈爾納河七月朔

大清

軍遠科布多者二十人準部獲

大清士卒皆穿脛盛以皮囊繫馬後唱胡

歌以返噶爾丹策零令諸台吉珠時烏魯木齊以伺

鄂爾齊斯河以窺

大清北路而北路鄰喀爾喀尤準部所蓄意至是九月

西策零兵乘勝謀東犯喀爾喀以察罕圖科布多皆有大軍乃取道阿爾泰

山迤南一由小額爾齊斯河一由大額爾齊斯河小策零以精騎六千深入而

大策零擁大眾二萬於蘇克勒達以援應

大清郡王額駙策凌等合兵迎

擊於鄂登楚勒河準部兵中伏眾大敗十年七月噶爾丹策零親率大眾由北

路傾國入寇繞避科布多察罕圖大營取道山南潛至杭愛山掠哲卜尊丹已胡土克圖之地時哲卜尊丹已已徙帳多淪泊空無所得八月探知額駙策凌軍赴本博圖山遂突襲其帳於塔密爾河盡掠女子牲畜額駙回救過於喀喇森齊泊大戰二日準部兵大敗噶爾丹退至鄂爾昆河之杭愛山即古燕山

之南麓也其地右阻山左偏水道狹不容大眾又橫亘以大刺麻寺致兵無走

路為大清軍所乘死者大半噶爾丹策零乘夜突圍繞山遁雅河盡棄輜重牲畜塞滿山谷以阻大清兵十二年準噶爾遣使請和 大清許之

定議厄魯特游牧地以阿爾泰山為界不得過界東

準噶爾亂二

準部自噶爾丹以後三世皆梟雄能用其眾至乾隆十年噶爾丹策零死而所部遂亂初策零有三子次子那木札爾以母貴嗣汗位童昏無行恣睢狂戾其同母女兒約束之稍長遂以讒幽其女兒多幾宰桑於是其女兒之夫與諸台吉攻殪之立其度兒刺麻達爾札而大小策零两部喬則謀擁立其弟策妄達什大小二策零者皆名教多卜準部同族台吉以謀勇為策妄父子兩世將兵西破衛藏東摧蒙古者也故大策零之孫達瓦齊與小策零之子達什達瓦等皆為國人所嚮亦皆為刺麻達爾札所忌俄策妄達什與達什達瓦復被翦鋤於是達瓦齊與其黨阿睦撒納奔哈薩克阿睦撒納者故拉藏汗之孫丹衷之子而策妄那布坦之外孫也丹衷妻妾之女先生子班珠爾而丹衷被戮復有遺腹改適輝特部酋生阿睦撒納長而狠戾陰狙見準部內亂欲構使自訖而後蒙古紀事本末 卷下 準噶爾亂亡

卷下

準噶爾亂亡

已乘其釁初謀擁立策妄達什不遂復挾達瓦齊以逞刺麻達爾札遣台吉將兵三萬搜討二人於哈薩克期必獲以除後患阿睦撒納遁回舊游牧地而潛簡精銳千有五百由闊勒奇山路裹糧晝伏夜行突入伊犁誘其腹心為內應遂襲刺麻達爾札以和碩特種國人未附乃特立達瓦齊為汗達瓦齊族貴而無能旋為小策零之孫濟噶爾所攻取西酋爭立各徵兵於諸部諸部落莫知適從國中大亂阿睦撒納復為誘除濟噶爾而還達瓦齊於伊犁特功益驕築初四衛拉兵伊犁最強阿睦撒納時為禪特台吉居雅爾即塔爾巴哈臺在伊犁其同母兒班珠爾為和碩特台吉居庫爾烏蘇又取都爾伯特台吉達什之女乃襲殺達什脅降其子納默庫而自遷帳於額爾齊斯河阿睦撒納令行三部遂侵略伊犁邊境二人復大隙達瓦齊三遣兵討之皆不克乃自領精兵三萬壓額爾齊斯河又使其驍將瑪木特將烏梁海兵八千東西夾攻阿睦撒納不能抗遂與納默庫班珠爾二台吉共率所部兵二千口二萬東奔降大清時乾隆十九年秋也初達什達瓦之死其宰桑薩刺爾等率千戶降大清達瓦齊之篡其杜爾伯特台吉三車拔等率三千戶降 大清至是阿睦

撤納復率輝特和碩特杜爾伯特三部至 大清 高宗知阿睦撒納

為部眾所畏服欲用之為嚮導阿睦撒納入覲燕河備言伊犁可取狀

高宗大喜封親王其二台吉皆郡王既而準部驍將瑪木特見諸台吉相踵降

大清必召大兵知準噶爾事不可為達瓦齊不可輔亦脫身歸 大清於是

準部爪牙心腹盡去而至 大清準部形勢 大清盡悉焉阿睦撒納等

請 大清明春大舉二十年二月 大清兩路出師其兩副將軍皆準部

渠帥建其舊幕先進各部落望風崩角其同族大台吉噶爾藏多爾濟及舊回

首和卓木先後迎降 大清於是所至台吉宰桑或數百戶或千餘戶攜餉

駱獻羊馬皆絡繹道左以降 大清無一人與 大清兵抗者五月

大清兵長驅至博羅塔拉河在伊犁東北三百里為南北兩路會合之區山川

北地以號距伊犁三百餘里達瓦齊縱酒不設備至是倉卒急遣親信兩宰桑

出令箭徵兵而自率宿衛親兵萬人走保伊犁西北百八十里之格登山阻淖

為營為 大清軍追襲大奔潰達瓦齊以二千人宵逾冰嶺南走回疆其

下半途逃散僅餘百騎以烏什城阿齊伯木克霍吉斯為己所善投之而霍吉

後蒙古紀事本末 卷下 準噶爾亂亡 三

斯已承 大清將軍檄即執之以獻其後達瓦齊霍吉斯 大清皆賜封

親王郡王入旗籍 阿睦撒納叛 大清

初四衛拉之分部也綽羅斯治伊犁和碩特治烏魯木齊和碩特自固始汗東

齊舊地遠為準噶爾杜爾伯特治額爾齊斯土爾扈特治雅爾土爾扈特北去

輝特治之部各有汗非有君臣之分也自綽羅斯渾台吉汗強盛伊犁始為四

部盟長與中國抗衡者數世 高宗欲俟事定仍眾建而分其力時達瓦

齊就擒準噶爾平而阿睦撒納音封雙親王食親王雙俸志未厭必欲為四部

總台吉專制西域特欲出自 大清朝命則無後患乃自昵於額駙科爾沁

親王使與班第為難而以己情託其歸奏時班第鄂容安留伊犁善後阿睦撒

納輒隱以總汗自處擅誅殺擄掠擅調兵不服 大清賜衣銅頂不用副將

軍印自用渾台吉著形篆印移檄各部落諱其降言統領滿漢蒙古兵來平此

地又陰使哈薩克布魯特流言非已總四部邊不得安與其黨曉夜聚謀詭秘

臣測 大清將軍參贊先後以聞 旨令阿睦撒納九月至熱河行

飲至禮同四台吉受封而阿睦撒納前與額駙約期七月下旬俟命額駙歸不敢奏至期無信而入覲期迫不得已遂行中途遲延及八月中旬尚無信疑事且中變十九日行至烏隆古河距其札布堪河舊游牧不遠乃詭言暫歸治裝以副將軍印交額林沁使先行由額爾齊斯河間道北逸遣人四出煽亂伊犁諸刺麻宰桑劫掠軍臺蠢起應之時 大清大軍已撤僅五百兵留伊犁歸路斷又厄魯特與阿睦撒納不合者阿睦撒納皆先以計遣入朝所留者皆已之黨與故勢益猖獗明年正月 大清兵至特克勒河與阿睦撒納僅一程阿睦撒納慮追及乃用間諜佯報己為台吉諾爾布所擒將往獻 大清參贊王保信之駐軍以待師遂緩二月 大清兵至伊犁阿睦撒納已遁入哈薩克五月哈薩克兵二千為 大清兵所敗阿睦撒納易服潛遁 大清兵追及相隔一谷僅二三里阿睦撒納倉卒不及駢載使哈薩克人往言即欲擒獻阿睦撒納但需其汗至乞暫緩師而 大清又下令駐軍阿睦撒納復徐颺去初 大清封諸台吉於熱河噶爾藏為綽羅斯特汗沙克都為和碩特汗巴雅爾為輝特汗其杜爾伯特本封阿睦撒納及叛後 大清改封車

後蒙古紀事本末

卷下

阿睦撒納叛 大清和鄂爾勒克服屬俄羅斯

四

凌為汗其餘宰桑等各授官資幣皆願歸發所部兵從征及見 大清將軍無能皆內變綽羅斯特輝特二部及哈薩克先叛 大清阿睦撒納聞四部

構亂自哈薩克歸會諸台吉於博羅格拉河欲自立為汗準部復大擾亂二十二年正月 大清兵至烏魯木齊阿睦撒納會諸部與 大清兵連日數

達瓦旋殺噶爾布厄魯特向不出痘至是則痘疫盛行死亡相望 大清兵復長驅至各部皆敗走或死或降六月 大清來追至左哈薩克時哈薩克

汗阿布賚己與阿睦撒納積釁且懼招大兵遣使入貢 大清普擒阿睦撒納以獻阿睦撒納不知率二十人往投阿布賚先使人來收馬阿睦撒納驚攜八人徒步夜走俄羅斯 大清移檄索之是冬報阿睦撒納患痘死移尸近邊

和鄂爾勒克服屬俄羅斯

明崇禎年間土爾扈特部長和鄂爾勒克與綽羅斯部長巴圖爾琿台吉交惡巴圖爾琿台吉者噶爾丹父也和鄂爾勒克遂棄雅爾牧地挈其族眾西走越哈薩克回部西抵俄羅斯境之額濟勒河屯且牧馬所居地曰瑪努托海倚騰

吉思巨澤北界俄羅斯南界哈薩克東界哈刺哈爾樓西界圖里雅斯科處乎四國之間而與俄羅斯察罕尤為切近蓋所收本俄羅斯國之甌脫地而土爾扈特饒馬俄羅斯與之市易土爾扈特資其贍給凡有征調多從之往俄羅斯嘗與雪西洋及西費耶斯科戰土爾扈特以兵助之後土爾扈特衰弱俄羅斯遂指土爾扈特為己屬國

書庫爾岱青等通貢

大清

土爾扈特習蒙古俗務畜牧逐水草徙而俄羅斯城郭居風俗既異土爾扈特重佛教敬達賴喇嘛而俄羅斯尚天主教不事佛以故土爾扈特雖受其役屬而心不甘恒歸向中國和鄂爾勒克有子六人長書庫爾岱青次伊勒登諾爾次羅卜藏諾爾餘三人無嗣不著順治十二年書庫爾岱青遣使錫喇布鄂木布奉表入貢 大清十三年伊勒登諾爾遣使錫喇尼和碩齊入貢 大清

十四年羅卜藏諾爾及子多爾濟遣使沙克錫布特達爾漢馬巴什阿巴賴等貢駝馬二百餘復攜馬千乞市歸化城 大清許之始書庫爾岱青為子棚楚克納巴圖爾理台吉女為婦生子阿玉奇育於巴圖爾理台吉所及和鄂爾

後蒙古紀事本末

卷下

書庫爾岱青等通貢 大清

五

勒克徙牧時未之攜也書庫爾岱青既嗣為部長仍赴唐古特熬茶供佛謁達賴喇嘛遠時假道準噶爾索阿玉奇以歸書庫爾岱青卒棚楚克納喇楚克卒阿玉奇嗣始自稱汗康熙中表貢不絕其貢道始皆由哈薩克經準噶爾地嘉峪關嗣後土爾扈特部與準噶爾部仍以威黨故往來不絕策妄阿拉布坦乞婚阿玉奇仍妻以女阿玉奇子散札布台吉率萬餘眾偕往康熙三十五年

大清兵征噶爾丹阿玉奇聞噶爾丹敗遣宰桑以所部兵千防諸阿爾台之土魯圖既而阿玉奇所屬諾爾和碩齊色布騰蒙克等從策妄阿拉布坦使入貢 大清慶捷 大清優賚遣歸是時阿玉奇與策妄阿拉布坦方修媾

睦初不料後此之大為讐敵也自噶爾丹既滅策妄阿拉布坦潛謀兼并始與阿玉奇構讐留散札布不遣西歸阿玉奇索之乃遣散札布歸而盡奪其屬戶萬餘阿玉奇嫂攜其子阿喇布珠爾入藏禮佛策妄阿拉布坦關之不得歸又不使阿玉奇入藏熬茶并選奪阿玉奇貢使賜物而絕其貢道阿喇布珠爾既不得歸遂降 大清受封為貝子昇童色爾騰地為游牧方思所以送之歸者而阿玉奇亦以貢道梗塞遣使假道俄羅斯由庫倫路入貢於是 大清

使圖理琛等亦假道俄羅斯報之自是土爾扈特始與中國隔絕非假道俄羅斯不得通矣。圖理琛至。語之曰。阿喇布珠爾已賜爵優養。欲遣歸爾牧。以策妄阿拉布坦惡爾恐戕之。而詭以哈薩克哈喇哈爾榜為辭也。爾若欲令阿喇布珠爾歸。當自俄羅斯來迎。阿玉奇曰。俄羅斯乃嗜欲不同。言語不通之區也。若以往來數故。不假我道。則我無由達中國矣。阿喇布珠爾幸為天朝臣僕。請勿遣歸。時阿喇布珠爾之父納札爾瑪木特亦贈大清使臣馬及方物。大清使以入境無私交辭。阿玉奇待之有隆禮。留旬餘。筵宴不絕。圖理琛前後歷四載。乃還。乾隆二十一年。土爾扈特使吹札布等入使於大清。稱奉其汗。惇囉布喇什令。俄道俄羅斯。亦三載。乃至。程途之難如此。

### 舍梭窠入俄羅斯

台吉舍梭者。土爾扈特之族。不從和鄂爾勒克西徙。仍居伊犁境。為準噶爾屬台吉。大清征準部。阿睦撒納走。其從逆之綽和爾烏喇特昂吉岱等。附巴圖爾烏巴什。竄伏沙拉伯勒。敦多克布庫察罕等。復附舍梭。匿庫克烏蘇喀喇塔拉境。乾隆二十三年。大清成衮扎布兆惠等。馳剿巴爾圖烏巴什窠。後蒙古紀事本末。卷下。舍梭窠入俄羅斯。

### 六

哈薩克病疽死。舍梭窠博羅塔拉道。遇哈薩克游騎與交兵。聞大清軍來。逼馳走。道圖托羅海。將為奔俄羅斯計。先使往哈薩克要而殺之。舍梭復間道赴阿固爾阿爾海。大清副都統唐喀祿。偕厄魯特散秩大臣和碩齊。以兵尾之。抵布古什河源。有巴爾呼卒都圖者。射舍梭。從弟勞章扎布。擒舍梭。舍梭說服罪。請釋其弟。乃降。唐喀祿曰。是不可信。將以兵擒舍梭。和碩齊曰。不若使招降。釋勞章扎布。歸越日。舍梭遣三宰桑至軍。約往受降。唐喀祿愈疑之。和碩齊曰。彼畏我軍威。故不敢至。盍往。泚盟。強唐喀祿行。策馬渡河。適舍梭營。令從者皆下馬解纜。舍梭遣使以酒至。和碩齊飲之。急起入舍梭營。唐喀祿立而待。逾時。和碩齊不返。舍梭遣兵二千。詭攜駝馬迎軍。甫次河岸。輒旋擊營。中兵悉起。唐喀祿死之。和碩齊易服入舍梭隊。後大清擒之。論罪誅。舍梭馳踰喀喇嗎嶺。遣使俄羅斯。為所禁。聞道赴土爾扈特。俄羅斯羈諸森博羅特圖喇。

大清遣兵擊之。未至。俄羅斯徙入其境。巴圖爾烏巴什子沙喇扣。冒亦從往。馬初。大清與俄羅斯定議。不納逃人。至是。大清理藩院檄俄羅斯。以舍梭獻。舍梭懼。由俄羅斯歸土爾扈特。故。

大清遣兵擊之。未至。俄羅斯徙入其境。巴圖爾烏巴什子沙喇扣。冒亦從往。馬初。大清與俄羅斯定議。不納逃人。至是。大清理藩院檄俄羅斯。以舍梭獻。舍梭懼。由俄羅斯歸土爾扈特。故。

初和鄂爾勒克至額濟勒時。人戶微。牲畜少。至烏巴錫嗣為汗時。土爾扈特西徙已閱七世。百七十有餘年矣。休養生息。戶口日蕃。其隨烏巴錫居於額濟勒南岸者。四十六萬餘戶。北岸所居數亦相當。是時俄羅斯察罕汗屢徵土爾扈特兵。與鄰國戰。敗績。土爾扈特諸部眾死者七八萬人。察罕汗思雪其恥。復徵兵於土爾扈特。土爾扈特諸部落人人憂懼。烏巴錫計無所出。其自伊犁逃來之舍稜等。因說烏巴錫曰。伊犁等處舊居之綽羅斯特和碩特輝特。皆為大清兵剿滅。萬里之地。空虛無人。可據而有也。烏巴錫感焉。遂與台吉喇嘛密議。東徙。約定北岸所居人戶。於河冰凍結後。同赴伊犁。舍稜言於眾曰。察罕汗今又徵兵。令十六歲以上者。盡數赴敵。是欲殲滅土爾扈特之人也。眾皆洶懼。烏巴錫乃集大小宰桑。諭以逃走伊犁之利。眾喜。皆為遠行之計。時乾隆三十五年十月也。是歲冬。溫河冰不凍。烏巴錫不能待。河北人戶。遂殺俄羅斯匠役千人。及貿易人等。攜四十餘萬部眾東走。沿途劫掠。攻破俄羅斯城池四處。察罕汗聞之。使其濟納拉喇領兵數萬追擊。烏巴錫人眾已踰杭格勒圖刺而南。已

後蒙古紀事本末

卷下

烏巴錫返牧伊犁

七

入中國。地界濟納拉喇乃引兵。遂為巴錫。既入中國。乃由巴爾噶什淖爾而進。其間經過之戈壁五日行。雖有水泉。寸草不生。牲畜倒斃無算。行至青可斯察。漢哈薩克汗阿布魯登。及阿布勒必斯阿布勒班畢特與之戰。又有台吉額勒里納。拉里要劫之。相持二十餘日。向沙喇伯勒而進。至沙喇伯勒南界。布魯特聞之。人各喜躍相慶。聚集十餘萬騎。星飛雲擁。烏巴錫避入沙喇伯勒北界。而千餘里戈壁無滴水寸草。時際三月。天氣溫暖。人皆取牛馬之血而飲。瘟疫大作。死者三十萬人。牲畜十存三四。經十餘日。狼狽逃去。而布魯特久候於戈壁之外。或前或後。或聚或散。日夜追殺。搶奪被劫之男婦子女。牲畜什物。數倍於哈薩克。直至他不哈地。與大清內地卡倫相近。布魯特始斂兵。退烏巴錫至他不哈。所屬男婦大小。猶有二十七萬口。大清伊犁將軍伊勒圖遣侍

衛等至。問來意。烏巴錫與其台吉喇嘛計議。六七日始定。以投誠。大清皇帝為辭。時與烏巴錫同來之台吉策伯克多爾濟。先已遣格隆訥木庫巴勒珠爾宰桑。集布督等。赴將軍前請安。備陳投順之情。各委員等乃引烏巴錫謁見將軍。因獻玉器。自鳴時表。定宣蜜甕。器自來。大鳥鎗。拉古爾木碗。金錢等物。并



獻其先世所受明永樂八年漢家封爵玉印一顆於是伊勒圖先將其眾安置  
伊犁隙地馳驛以其事上聞先是 高宗純皇帝聞土爾扈特將至慮伊  
勒圖一人不能經理得宜特 命舒赫得前往視事遵 旨收撫安戢所  
至如歸

漠南分藩

科爾沁部 在喜峰口東北八百七十里至 京師十二百八十里東西距八  
百七十里南北距二千一百里東至扎賚特界西至扎魯特界南至 盛京邊  
牆界北至索倫界秦漢遼東部北境後漢為扶餘鮮卑地南北朝隋唐為契丹  
靺鞨地遼為上京東境及東京北境金分屬上京北京及咸平路元為開元路  
北境明初置福餘外衛以元後兀良哈為都指揮掌衛事洪熙間蒙古臣阿魯  
台為瓦剌所破其酋奎蒙克塔斯哈喇姓博爾濟吉特元太祖弟哈布圖哈薩  
爾十四世孫也走避嫩江依兀良哈因同族有阿魯科爾沁故號嫩科爾沁以  
自別所部六旗分左右翼

奎蒙克塔斯哈喇曾孫翁里岱翁里岱子奧巴世為察哈爾諾顏天命十一年  
後蒙古紀事本末 卷下 漠南分藩

以奧巴先諸蒙古來降妻以莊親王舒爾哈齊女孫授和碩額駙封土謝圖汗  
子巴達禮崇德元年叙功封扎薩克和碩土謝圖親王去汗號 詔世襲  
罔替掌右翼五旗事分地當哈古勒河阿魯坤都倫河合流之北岸為右翼中  
旗

奧巴叔父莽古斯以女歸 太宗文皇帝是為 孝端文皇后追封  
莽古斯和碩福親王妻封福妃 孝端文皇后崩莽古斯子宰桑宰桑之

長子烏克善請以女弟為繼室是為 孝莊文皇后追封宰桑和碩忠親  
王妻封賢妃烏克善封卓哩克圖親王烏克善之仲弟察罕子綽爾濟復以女

歸 世祖章皇帝是為 孝惠皇后順治十八年封綽爾濟多羅貝  
勒烏克善季弟滿珠習禮尚郡主授和碩額駙天聰二年征察哈爾以功

賜號達爾漢巴圖魯崇德元年封扎薩克多羅巴圖魯郡王順治九年叙封  
騰機思功晉達爾漢號十六年晉和碩達爾漢巴圖魯親王康熙四年子和塔  
嗣去巴圖魯號世襲罔替掌左翼五旗事分地當吉林赫爾蘇邊門外昌圖廳  
界跨東西二逾河為左翼中旗

與巴弟布達齊天命十一年隨兄來朝。賜號札薩克圖杜棱崇德元年

封札薩克多羅扎薩克圖郡王世襲罔替分地當索岳爾濟山之南為右翼前

滿珠習禮從祖洪果爾崇德元年叙征明功封札薩克多羅冰圖郡王世襲罔

替分地當法庫邊門外養息牧放場之東為左翼前旗

洪果爾從子棟果爾父明安嘗與董赫諸部來侵大祖親征禦之扎喀

路明安馬蹶裸而遁追奔至哈達部禁河塞南俘獲甚眾因遣使乞好天命二

年來朝謁上於富爾簡阿獻駝十馬牛各百未幾卒崇德元年封棟果

爾鎮國公八年亦卒順治五年追叙棟果爾前後從征功封多羅貝勒子彭吉

倫襲七年以明安功晉郡王爵領札薩克世襲罔替分地當法庫邊門外為左

翼後旗

奧巴從弟喇嘛什希父圖美天命十一年隨奧巴來朝賜號岱達爾漢

天聰六年崇德元年封喇嘛什希札薩克鎮國公世襲罔替牧地跨陀喇河為

右翼後旗

後蒙古紀事本末

卷下 漠南分藩

扎賚特部 在喜峯口東北千六百里至京師二十十里東西距六十里南

北距四百里東至杜爾伯特界西及南至郭爾羅斯界北至索倫界本契丹地

遼長春州金奉州北境元為遼王分地明入科爾沁哈布圖哈薩爾十五傳至

博地達喇有子九其季曰阿敏與齊齊克納穆賽等鄰牧號所部曰扎賚特一

旗

天命九年阿敏子蒙克隨科爾沁台吉奧巴素降賜號達爾漢和碩齊

天聰八年卒順治五年追叙從征功封固山貝子子色稜襲領札薩克雍正十

年色稜曾孫特古斯以擊賊額爾德尼昭功晉多羅貝勒世襲罔替分地在齊

齊哈爾城西南

杜爾伯特部 在喜峯口東北千六百四十里至京師二千五百里東北距

百七十里南北距二百四十里東至黑龍江界西至扎賚特界南至郭爾羅斯界

北至索倫界本契丹地遼長春州金泰州北境元為遼王分地明入科爾沁哈

布圖哈薩爾十六傳至愛納噶號所部曰杜爾伯特一旗外藩蒙古稱杜爾伯

特者二同名異族

系神圖雅斯為額魯特台吉子罕奇駝馬藏吉本稱外札薩克也

愛納噶子阿都齊號

達爾漢謀願天命九年借科爾沁台吉奧巴來降天聰二年從征明師遂辛子色拔崇德元年封輔國公八年以其屬隨征黑龍江諸部嚮導功

賜號

達爾漢順治五年追叙阿都齊來歸功晉封札薩克固山貝子世襲罔替分地當嫩江東岸

郭爾羅斯部 在喜峯口東北千四百八十里至 京師千八百九十七里東

西距四百五十里南北距六百六十里東至永吉州界南至 盛京邊牆西及

北皆至科爾沁界本契丹地遼置泰昌德軍屬上京金大定間廢永安二年移

州於長春縣以故地為金安縣隸之元為遼王分地明入科爾沁元太祖遣弟

哈布圖哈薩爾征郭爾羅斯部禽其酋納琳於克哩業庫卜克爾哈布圖哈薩

爾十六傳至烏巴什遂以為所部號二旗

烏巴什子莽果莽果子布木巴天命九年借科爾沁台吉奧巴來降順治五年

叙前從征功封札薩克鎮國公世襲罔替分地當嫩江與松花江相合之西岸

在吉林伊通邊門外長春廳之西為前旗

一等台吉畢里袞鄂齊爾從祖固穆天聰七年來朝崇德元年叙征明功封札

後蒙古記事本末

卷下

漠南分藩

十

薩克輔國公世襲罔替孫莽塞康熙二十六年以不緝賊罪削札薩克

詔畢里袞鄂齊爾代領之遂為例至乾隆六十年固穆七世孫恭格喇布坦始

復扎薩克分地當混同江北岸嫩江東岸為後旗

右四部十旗統盟於哲里木貢道由山海關

額喇沁部 在喜峯口東北三百五十里至 京師七百六十里東西距五百

里南北距四百五十里東至上默特及教漢界西至察哈爾正藍旗牧場南界

南至 盛京邊牆界北至翁牛特界春秋山戎地秦漢遼西郡境後漢為鮮卑

地晉為慕容氏地元魏時有庫莫奚居此唐太宗初奚內附置驍樂都督府隸

營州後分為東西奚尋并於契丹遼統和二十五年以故奚王牙帳置中京大

定府金貞元元年更為北京置留守司元為大甯路隸遼陽行省明洪武中置

大甯都指揮使司封皇子權為甯王以鎮之二十一年改為北平行都指揮使

司永樂初改封甯王於南昌徙大甯都司於保定以大甯地賜三衛酋長朵顏

最強初元臣有禮爾楚泰春生子濟拉瑪姓烏梁罕氏佐太祖定天下有功上

傳至和通有衆六千戶游牧額沁河號所部曰喀喇沁三旗

濟拉瑪十四世孫蘇布地世為所部塔布囊天聰初以察哈爾林丹汗虐用其眾偕同族色梭等來降尋卒九年 詔編所部佐領以蘇布地子固魯思

齊布掌右翼授札薩克崇德元年封固山貝子 賜多羅杜梭順治七年

年晉貝勒子圖巴色梭班達爾沙札什相繼襲康熙七年追叙蘇布地功晉班達爾沙郡王爵世襲固替分地在圍場東跨老哈河為右翼旗

固魯思奇布從孫格埒勒曾祖萬丹偉徵天聰三年偕兄蘇布地來朝崇德元年叙功授一等塔布囊順治十三年卒康熙四十四年以族屬藩衍積至三十八佐領 詔增一旗授格埒勒札薩克世襲固替五十八年卒無嗣以弟

們都之子喀甯阿襲喀甯阿子齊齊克乾隆十九年晉公品級齊齊克子瑪哈巴拉五十二年扈 駕木蘭行圍修治橋路奮勉封輔國公道光元年加

貝子銜十一年晉貝勒銜分地當老哈河源為中旗 蘇布地從叔父色梭初為所部塔布囊天聰九年 詔編佐領以色梭掌

右翼授札薩克順治五年叙功封鎮國公世襲固替孫善巴喇什康熙五十五年晉固山貝子六世孫丹巴多爾濟嘉慶八年以禽獲逆犯陳德功 恩

後蒙古紀事本末 卷下 漠南分藩 十一

賞多羅貝勒分地當做木倫河源為左翼旗 土默特部 在喜峯口東北五百九十里至 京師千里東西距四百六十里

南北距三百十里東至養息牧場界西至喀喇沁右翼界南至 盛京邊牆界北至喀爾喀左翼及敖漢界古孤竹國漢置柳城縣屬遼西郡晉咸康中慕容

容皝建都於此改為龍城縣元魏為營州治隋復置柳城縣唐為營州都督府治後入於奚遼太祖平奚置興中府元降為州廣天甯路明初置三衛自錦義

歷廣甯至遼河曰泰甯衛後其地為蒙古所據號所部曰土默特二旗分左右翼異姓同牧

元臣濟拉瑪十三世孫善巴與喀喇沁為近族祖莽古岱始由喀喇沁徙居土默特天聰三年善巴率屬來歸九年 詔編所部佐領授札薩克掌左翼

事崇德元年封達爾漢鎮國公子卓哩克圖康熙元年追叙善巴功晉多羅貝勒世襲固替分地當錫呼圖庫倫喇嘛游牧之南養息牧場之西為左翼旗

元太祖十九世孫鄂木布楚琥爾與歸化城土默特為近族父噶爾圖以避察哈爾侵由歸化城移居土默特林丹汗恃其強侵不已鄂木布楚琥爾憤甚因

約喇喀沁蘇布地等共擊敗之於趙城恐不敵天聰二年借蘇布地上書乞援尋來朝九年編所部佐領授札薩克掌右翼事崇德四年壬子固穆順治五年封鎮國公康熙二年晉固山貝子世襲罔替固穆五世孫瑪呢巴達喇道光七年賞郡王品級分地在九關新臺邊門外跨鄂木淪河為右翼旗

巴勒布冰圖元太祖裔初為喀爾喀台吉隸西路札薩克圖汗部康熙元年汗旺舒克為其族羅卜藏台吉額琳沁所戕部眾潰巴勒布冰圖自抗愛山率屬來歸  
詔附土默特左翼札薩克達爾漢貝勒卓哩克圖牧四年封多羅

貝勒分地在錫呼圖庫倫喇嘛游牧之西為左翼附牧一旗  
右二部五旗及附牧一旗統盟卓索圖貢道由喜峯口

教漢部 在喜峯口東北六百里至 京師十一十里東西距百六十里南北距二百八十里東至奈曼界西至喀喇界南至土默特界北至翁牛特界古解卑地隋為契丹地唐屬營州都督府後入奚遼金為興寧府北境元為遼王分地明初入於蒙古元太祖十五世孫達延車臣汗長子圖魯博羅特子二次納密克生貝瑪士謝圖子二長岱青柱稜號所部曰教漢一旗

後蒙古紀事本末 卷下 漠南分藩 十二

岱青柱稜長子卓諾木杜梭次寒臣卓哩克圖初皆服屬於察哈爾天聰元年以避林丹汗虐率屬來歸且獻明誘降書 詔卓諾木杜梭居開原寒臣卓哩克圖還舊牧 賜號都刺爾巴圖魯後卓諾木杜梭以私獵哈達葉

赫山罪奪開原地三年寒臣卓哩克圖從征明永平師遂卒子班第尚固倫公主授固倫額駙崇德元年編所部佐領封札薩克多羅郡王世襲罔替分地跨老哈河

奈曼部 在喜峯口東北七百里至 京師十一百里東西距九十五里南北距二百二十里東至喀爾喀左翼界西至教漢界南至土默特界北至翁牛特界古解卑地隋為契丹地唐屬營州都督府後入奚遼金為興中府北境明入於蒙古元太祖嘗偕其弟哈布圖哈薩爾平奈曼訶太祖十六世孫圖魯博羅特三傳至額森偉徵諾願即以為所部號一旗

圖魯博羅特子衮楚克號巴圖魯台吉服屬於察哈爾以林丹汗不遵天聰元年偕從子鄂齊爾等來歸且獻明誘降書 詔達舊牧 賜號和碩齊二年以從征察哈爾俘斬多 賜號達爾漢崇德元年叙前征功封札

薩克多羅郡王世襲罔替分地當潢河老哈河合流之南岸

巴林部 在古北口東北七百八十里至 京師九百六十里東西距二百五十一里南北距二百三十三里東至阿魯科爾沁界西至克什克騰界南至翁牛特界北至烏珠穆沁界遼上京臨潢府地金大定後併屬北京路元屬金甯路為魯王分地明初為金甯衛地後屬兀良哈北境元太祖十六世孫阿爾楚博羅特生和爾朔齊哈薩爾子二次蘇巴海稱達爾漢諾顏號所部曰巴林二旗同牧天聰二年察哈爾林丹汗掠其部諸台吉皆奔依科爾沁蘇巴海孫色特爾率子色布騰兒子滿珠習禮等自科爾沁來降屢從大軍征明順治五年編所部佐領叙前後攻封色布騰札薩克輔國公掌右翼為右翼旗滿珠習禮札薩克固山貝子掌左翼為左翼旗尋色布騰尚固倫淑慧公主晉多羅郡王均世襲罔替乾隆十九年色布騰曾孫璘沁 賜親王品級分地當潢河

北岸

扎魯特部 在喜峯口東北千一百里至 京師千五百一十里東西距百二十五里南北距四百六十里東至科爾沁界西至阿魯科爾沁界南至喀爾喀

後蒙古紀事本末

卷下 漠南分藩

十三

左翼界北至烏珠穆沁界漢遼東郡北境唐屬營州都督府後入奚遼為上京道地金屬北京路元屬上都路明入於蒙古元太祖十七世孫和爾朔齊哈薩爾二子長烏巴什自稱倖徵諾顏號所部曰扎魯特二旗同牧

烏巴什子二長巴顏達爾伊勒登次都喇勒諾顏巴顏達爾伊勒登子忠圖孫內齊相繼稱汗都喇勒諾顏子色本初皆服屬於喀爾喀後為林丹汗所掠往依科爾沁天聰二年內齊色本先後率屬來歸順治五年編所部佐領追封內齊多羅貝勒色本多羅達爾漢貝勒以內齊子尚嘉布掌左翼為左翼旗色本子桑噶爾掌右翼為右翼旗各授扎薩克貝勒世襲罔替分地當哈古勒河阿魯坤都倫河之源

阿魯科爾沁部 在古北口東北千一百里至 京師千三百四十里東西距百三十里南北距四百二十里東至扎魯特界西至巴林界南至喀爾喀左翼界北至烏珠穆沁界遼潢府地金大定府北境元為遼王分地明初於潢水北兀良哈地置衛後入於蒙古元太祖弟哈布圖哈薩爾十三傳至圖美尼雅哈齊長子奎蒙克塔斯哈喇游牧嫩江號嫩科爾沁次子巴袞諾顏游牧呼倫

貝爾巴魯諾顏長子昆都倫岱青號所部曰阿魯科爾沁一旗

昆都倫岱青子達查嗣為部長初服屬於察哈爾避丹林汗虐天聰四年暨子穆彰率屬來降崇德七年穆彰尚郡主授和碩額駙順治元年叙前從征功封穆彰扎薩克固山貝子四年卒五年追封多羅貝勒世襲罔替分地哈奇爾河做木倫河於是合流為達布蘇圖河

翁牛特部 在古北口東北五百二十里至 京師七百二十里東西距三百里南北距百六十里東至阿魯科爾沁界西至承德府熱河禁地界南至喀喇沁及教漢界北至巴林及克什克騰界唐饒樂都督府地遼置饒州置義軍節度屬上京路金為北京路地元為魯王分地明初以兀良哈部長置衛為外藩後入於蒙古元太祖同母第三弟諾楚因稱烏真諾顏其裔蒙克察罕諾顏有子二長巴顏岱洪果爾諾顏號所部曰翁牛特次巴泰車臣諾顏別號喀喇齊哩克部皆稱阿魯蒙古後喀喇齊哩克部亦併入於翁牛特不復冠阿魯舊稱二旗

巴顏岱洪果爾諾顏再傳至圖爾號杜梭汗長子遜杜梭初為阿魯部濟農服後蒙古紀事本末 卷下 漢南八分篇 十四

屬於察哈爾以避林丹汗虐天聰六年率屬來歸崇德元年編所部佐領封扎薩克多羅杜梭郡王掌佐翼世襲罔替分地界潢河老哈河之間為佐翼旗遜杜梭叔父棟岱青崇德元年編所部佐領授扎薩克掌右翼次于臺順治十八年追叙棟岱青功晉多羅貝勒分地在熱河圍場東北老哈河南岸為右翼旗

克什克騰部 在古北口東北五百七十里至 京師八百十里東西距三百三十四里南北距三百五十七里東至翁牛特及巴林界西至浩齊特及察哈爾正藍旗牧廠界南至翁牛特界北至烏珠穆沁界遼上京道地全屬北京路元屬上都路及應昌路地明入於蒙古元太祖十六世孫鄂齊博羅特再傳沙喇勒達稱墨爾根諾顏號所部曰克什克騰一旗

墨爾根諾顏子達爾瑪有子三長索諾木初服屬於察哈爾天聰八年林丹汗走死率屬來歸順治九年編所部佐領授扎薩克一等台吉世襲罔替分地在圍場北當潢河之源 在喜峯口東北八百四十里東西距百二十五里南北距二

百三十里東至科爾沁界西至奈曼界南至土默特界北至札噶特及翁牛特界古鮮卑地唐屬營州都督府後入奚遼為上京道南境金屬北京路明為喀爾喀所據元太祖十六世孫呼森禮札賚特爾琿台吉居抗愛山始號喀爾喀有子七部族著行分東西中三路其長子阿什海達爾漢諾顏生子二長巴延達喇為西路札薩克圖汗祖次圖們達喇岱青子碩墨烏巴什琿台吉生子三皆為喀爾喀西路台吉康熙三年碩墨烏巴什琿台吉第三子衮布伊勒登因其汗為同族台吉所戕部眾潰越瀚海來歸先是土謝圖汗部台吉本塔爾內附駐牧張家口外至是

詔衮布伊勒登牧喜峯口外所居地分東西故本塔爾稱喀爾喀右翼衮布伊勒登稱喀爾喀左翼一旗初以來喀爾喀相繼歸誠名凡三日舊喀爾喀內面最早後編入一旗附牧察哈爾界曰內喀爾喀即今歸化城內土薩克之左右翼二部及附牧土默特一旗口外喀爾喀即今歸化城內土謝圖汗部臣汗札薩克圖汗與音諾顏四部也又康熙三年授衮布伊勒登爵有附牧青海之喀爾喀一旗與青海額爾齊特同盟康熙三年授衮布伊勒登爵

世襲固替分地當養息牧河源

右八部十一旗統盟於昭烏達貢道由獨石口烏珠穆沁部 在古北口東北九百二十三里至 京師千一百六十三里東

後蒙古紀事本末 卷下 漠南分藩

十五

西距三百六十里南北距四百二十五里東至索倫界西至浩齊特界南至巴林界北至瀚海遼上京道北境金屬北京路元屬上都路明入於蒙古元太祖十六世孫圖魯博羅特由抗愛山徙牧瀚海南子博第阿喇克繼之其第三子翁家都喇爾號所部曰烏珠穆沁二旗

翁家都喇爾少子多爾濟號車臣濟農初服屬察哈爾林丹汗不遵偕兄子色菝徙牧瀚海北依喀爾喀天聰九年大軍收察哈爾借車臣汗浩齊特蘇尼特諸部通貢崇德二年率屬由喀魯倫來歸六年封札薩克和碩親王留車臣號世襲固替分地有音札哈河流入於沙有胡盧古爾河豬於阿達克諾爾為右翼旗

多爾濟從子色菝父渚克圖號巴圖爾諾顏翁家都喇爾之長子也色菝號額爾德尼台吉崇德二年來歸順治三年封札薩克多羅貝勒額爾德尼號世襲固替分地當索岳爾濟山之西有鄂爾虎河繞其游牧滙於和里圖諾爾為左翼旗

浩齊特部 在獨石口東北六百八十五里至 京師千一百八十五里東西



距百七十里南北距三百七十五里東至烏珠穆沁界西至阿巴噶界南至克什克騰界北至烏珠穆沁界遼上京道西境金屬北京路元屬上都路明入於蒙古元太祖十六世孫圖魯博羅特再傳至庫登汗號所部曰浩齊特二旗庫登汗長孫奇塔特札幹杜稜土謝圖早卒子二長噶爾瑪色旺其母圖奎以避察哈爾率二子依喀爾喀車臣汗碩壘遂為所屬順治八年噶爾瑪色旺率弟班第墨爾根楚琥爾及其屬千三百餘人率喀爾喀來歸十年封札薩克多羅郡王掌右翼世襲罔替分地為錫林河下游北豬為達母鄂謨為右翼旗庫登汗次孫奇塔特昆杜稜額爾德尼車臣楚琥爾子博羅特號額爾德尼諾木齊初以避察哈爾依車臣汗碩壘崇德二年自喀爾喀來歸順治三年封札薩克多羅貝勒留額爾德尼號七年晉郡王世襲罔替分地濱大小吉里河為左翼旗

蘇尼特部 在張家口北五百五十里至京師九百六十里東西距四百有六里南北距五百八十里東至阿巴噶界西至子部落界南至察哈爾正藍旗牧廠界北至瀚海漢上谷及代郡北境後漢烏桓鮮卑居之晉為拓跋氏地隋後蒙古紀事本末

卷下

漠南分藩

十六

及唐初為突厥所據遼置撫州金因之屬西京路元為興和路地明入於蒙古元太祖十六世孫圖魯博羅特再傳至庫克齊圖墨爾根台吉號所部曰蘇尼特二旗

庫克齊圖長子布延暉台吉子淳爾袞居蘇尼特西路服屬於察哈爾以林丹汗不遁徙牧瀚海北依喀爾喀崇德三年淳爾袞子素塞率屬來歸七年授札薩克多羅郡王掌右翼世襲罔替分地東南有占木土鹽泊西有錫喇布祿泊為右翼旗

布延暉台吉少子布爾海楚琥爾子塔巴爾達爾漢和碩齊居蘇尼特東路初服屬於察哈爾後亦北徙依車臣汗崇德四年塔巴爾海子騰機思號墨爾根台吉率屬自喀爾喀來歸五年尚郡主授和碩額駙六年封札薩克多羅郡王留墨爾根號世襲罔替順治三年以叛削五年悔罪乞降比至死

詔宥前

罪以其弟騰機特襲除墨爾根號其爵自騰機特後仍騰機思子孫承襲分地有固爾班烏斯克河為左翼旗

阿巴噶部 在張家口東北五百九十里至京師千里東西距二百里南北

距三百十里東至阿巴哈納爾界西至蘇尼特界南至察哈爾正藍旗牧廠界北至瀚海晉為拓跋氏地隋及唐初為突厥所據遼為上京道西境全屬北京路元屬上京路明入於蒙古元太祖弟布格博勒格圖十七傳至巴雅思瑚布爾古特長子塔爾尼庫同號所部曰阿巴噶二旗

塔爾尼庫同曾孫多爾濟額爾齊格諾顏初服屬察哈爾避林丹汗虜徙牧瀚海北克魯倫河界依喀爾喀崇德四年率屬來歸六年授札薩克卓里克圖郡王世襲罔替分地球錫林河為左翼旗

多爾濟額齊格諾顏從孫都思噶爾祖額爾德尼圖們號札薩克圖諾顏塔爾尼庫同之長孫也父布達什哩號車臣札薩克圖都思噶爾初號巴圖爾濟農亦避察哈爾北徙順治八年來歸封札薩克多羅郡王世襲罔替分地有庫爾察罕諾爾固爾班烏斯克河豬馬為右翼旗

阿巴哈納爾部 在張家口東北六百四十里至 京師五十里東西距百八十里南北距四百三十六里東至浩齊特界西至阿巴噶界南至察哈爾正藍旗界北至瀚海漢上谷郡北境晉為拓跋氏地隋及唐初為突厥所據遼為後蒙古紀事本末

卷下 漢南分藩

十七

為上京道西境金為北京路西北境元屬上都路明入於蒙古元太祖弟布格博勒格圖十七傳至巴雅思瑚布爾古特次子諾密特默克圖號所部曰阿巴哈納爾二旗

諾爾特默克圖曾孫色梭墨爾根初依喀爾喀駐牧克魯倫河界康熙初慕化越瀚海南牧綽諾陀羅海近內沁遣之弗去五年遂攜眾千三百餘至阿巴噶右翼牧地乞歸誠 詔允六年封札薩克多羅貝勒世襲罔替分地有達

里岡愛諾爾為右翼旗

色梭墨爾根弟棟伊思喇布康熙四年攜眾二千餘來歸授札薩克固山貝子世襲罔替駐烏勒危駝羅海為左翼旗

右五部十旗統盟於錫林郭勒貢道由獨石口惟蘇尼特阿巴噶阿巴哈納爾右翼均由張家口

四子部落 在張家口西北五百五十里至 京師九百六十里東西距二百三十五里南北距二百四十里東至蘇尼特界西至歸化城土默特界南至察哈爾鑲紅旗牧廠界北至蘇尼特界漢雁郡及定襄郡北境晉為拓跋氏地唐

為振武軍地遼為豐州地屬西京道金屬西京路元屬大同路明入於蒙古元太祖弟哈布圖哈薩爾十五世孫諾延泰與兄昆都倫岱青同游牧呼倫貝爾有四子長僧格號墨爾根和碩齊次索諾木號達爾漢台吉次鄂木佈號布庫台吉次伊爾札布號墨爾根台吉四子分牧而處後遂為所部稱一旗

天聰間四子相繼朝貢從征有功崇德元年授鄂木佈札薩克

賜號達

爾漢車里克圖俾統所部順治六年封多羅郡王世襲罔替分地當陰山之北臨沙漢有錫喇察漢諾爾錫喇木倫河豬馬

茂明安部

在張家口西北八百里至

京師千二百四十里東西距百里南

北距百九十里東至喀爾喀右翼界西至烏喇特界南至歸化城土默特界北至瀚海漢五原郡地後魏懷朔鎮地唐振武軍地遼東勝州地屬西京道金因之元屬大同路明設衛戍守後入於蒙古元太祖弟哈布圖哈薩爾十四世孫錫喇奇塔特號土謝圖汗有子三游牧呼倫貝爾其長多爾濟號布顏圖汗子車根嗣號所部曰茂明安一旗

天聰七年車根率其族攜戶千餘來歸子僧格康熙三年授札薩克一等台吉

後蒙古紀事本末

卷下

漠南分藩

十八

世襲罔替分地當愛布哈河源

烏喇特部

在歸化城西三百六十里至

京師千五百二十里東西距二百

十五里南北距三百里東至茂明安及歸化城土默特界西及南皆至鄂爾多斯界北至喀爾喀右翼界秦九原郡地漢更名五原漢末郡廢後魏置懷朔鎮唐中西受降城地遼置雲內州屬西京道金因之元屬大同路明為蒙古所據元太祖弟哈布圖哈薩爾十五世孫布爾海游牧呼倫貝爾號所部曰烏喇特三旗

布爾海後分所部為三長子賴噶孫鄂木布幼子巴爾賽孫圖巴曾孫色額領

其眾天聰七年率屬來歸順治五年叙從征功以圖巴掌中旗封鎮國公鄂木布子瑪班掌前旗封鎮國公色額子巴克巴海掌後旗封輔國公各授札薩克

世襲罔替分地當河套北岸

喀爾喀右翼部

在張家口西北七百里至

京師千一百三十里東西距

百二十里南北距百三十里東至四子部落界西至茂明安界南至歸化城土默特界北至瀚海漢定襄雲中二郡北境唐振武軍地遼為豐州地屬西京道

金因之元屬大同路明入於蒙古元太祖第十六世孫格塔爾賽札札齊爾理台吉第三子諾諾和偉徵諾顏有子二長阿巴泰號鄂齊賴賽因汗為中路土謝圖汗祖次阿布琿號墨爾根諾顏子喇瑚里號達賴諾顏有子五長本塔爾世為喀爾喀中路台吉順治十年本塔爾以與土謝圖汗降率其弟巴什布札木素額璘珣及從弟袞布攜戶千餘來歸  
賜收塔爾理河是為喀爾喀右翼一旗

初本塔爾來歸封札薩克和碩達爾漢親王世襲罔替本塔爾卒子訥內襲訥內卒子詹達固密降襲多羅貝勒分地有愛布哈河塔爾理河合流豬為阿勒坦托輝諾爾

右四部六旗統盟於烏蘭察布貢道皆由張家口惟烏喇特部由殺虎口

鄂爾多斯部 在歸化城西二百八十五里河套內至 京師千一百里東西北三面距黃河東至歸化城土默特界西至喀爾喀界南至陝西長城界西南至甘肅長城界北至烏喇特界本秦新秦中地漢初為匈奴所有武帝元朔二年置朔方郡後漢末廢晉永嘉後歷為前後趙前後秦地義熙中赫連勃勃據

後蒙古紀事本末 卷下 漠南分藩 十九

此後魏為統萬鎮地後為夏州北境隋於其地東置勝州西置豐州大業初改勝州為榆林郡豐州為五原郡後廢唐貞觀中復置勝豐二州天寶元年改勝州為榆林郡豐州為九原郡乾元元年俱復故名其南境又有宥州俱屬關內道唐末拓跋思恭鎮此五代至宋金皆為西夏所有元滅夏立西夏中興等路後廢其地東屬東勝雲內二州及延安甯夏等路明初城東勝等州并立屯戍耕牧其地天順間蒙古酋長阿羅出與毛里孩始入河套配加斯蘭復糾合滿都護倚為巢穴宏治間火篩復入其中元太祖十六世孫巴爾蘇博羅特達延汗之第三子也始命為管領右翼三萬人濟農長子袞弼哩克圖墨爾根明史謂之吉囊嗣為濟農號車臣可汗嘉靖中擊破火篩居之是為鄂爾多斯有子九分牧而處服屬於察哈爾今鄂爾多斯七札薩克皆其裔所部七旗  
袞弼哩克圖墨爾根曾孫博碩克圖林丹汗惡之奪濟農號天聰九年察哈爾滅子額璘臣來歸 賜復濟農號順治八年來朝封多羅郡王世襲罔替  
分地有納瑪帶泊在部正中近東為左翼中旗

額璘臣族子善丹崇德六年來朝順治七年封札薩克多羅貝勒世襲罔替子

索諾木孫松喇布俱以經理驛站功晉封多羅郡王。後仍襲貝勒。分地當騰格  
里泊。在部正西南。為右翼中旗。

額璘臣從子色稜。順治六年封札薩克固山貝子。世襲罔替。康熙十五年卒。十  
六年。追叙復神木城功。子衮布喇什。晉多羅貝勒。衮布喇什。卒。子根都什。轄布  
仍襲貝子。分地東至湖灘河。朔南至清水營。西至繇額爾吉廟。北至賀陀羅海。  
在部東南。為左翼前旗。

額璘臣從弟沙克札崇德。六年來朝。順治七年。封札薩克固山貝子。世襲罔替。  
分地東至黃河。冒帶津南。至賀陀羅海。西至察罕額爾吉。北至黑水泊。在部東  
北。為左翼後旗。

額璘臣從子額琳珙。順治六年。封札薩克固山貝子。世襲罔替。分地東至察罕  
額爾吉。南至榆林衛。西至摩多圖察罕泊。東北至哈達圖海。西北至察罕札達  
海。在部西南。為右翼前旗。

額璘臣從子小札木素。順治六年。大札木素叛。小札木素不附。詔封

札薩克鎮國公。世襲罔替。孫都稜。康熙三十七年。叙從征。噶爾丹督糧運功。

後蒙古紀事本末

卷下

漠南分藩

二十

魯固山貝子。分地東至兔毛河。南至喀喇札喇克。西至噶札爾山。北至塞特勒  
赫墨突。在部西北。為右翼後旗。

額璘臣從曾孫定喇什。曾祖烏巴什。號都噶爾岱青。順治六年。以不從。大札  
木素叛。授二等台吉。康熙十四年。從大軍。剿平花馬池。定邊城。諸賊。晉一等台  
吉。尋卒。子索諾木多爾濟。孫桑忠多爾濟。皆襲三等台吉。定喇什。即桑忠多  
爾濟長子。雍正九年。叙屢次從軍。斬敵功。晉一等台吉。乾隆元年。議族屬繁。增  
旗一。授札薩克。四十九年。詔世襲罔替。依右翼前旗。為右翼末旗。

右一部七旗。自為一盟。於伊克昭。晉道由殺虎口。與哲里木。卓索圖。昭烏  
達。錫林。郭勒。烏蘭。察布。五盟。同列內札薩克。

漠北分藩

喀爾喀四部。八十六旗。東至黑龍江。呼倫貝爾城界。南至瀚海。西至阿爾台山。  
與新疆伊犁東路界。北至俄羅斯界。東西延袤五千里。南北三千里。古北狄地。唐  
虞則山戎。夏則獯鬻。周則玁狁。據之。秦漢曰匈奴。漢初冒頓。並有漠南。衛青霍  
去病。連攘卻之。乃復北徙。後漢仍為北匈奴。地後魏曰蠕蠕。蠕蠕滅。而突厥興。

盡有西北之域唐初李靖擊滅突厥回紇及薛延陀并稱強李勣滅薛延陀回紇遂并有其地五代至宋回紇始衰與室韋姬厥律諸部散居其地羈屬於遼金大安初蒙古始盛蒙古太宗七年建都和林初立元昌路後改轉運和林使司前後五都烏世祖遷都大典於和林置都元帥府大德十一年立和林等處行中書省統和林總管府皇慶元年改嶺北處行中書省改和林路為和靈路明初順帝太子阿裕錫哩達賴汗依王保保於此後其裔達延車臣汗太祖十五世孫也子圖魯博囉特巴爾蘇博囉特阿爾楚博囉特鄂齊爾博囉特等由瀚海南徙近邊為內札薩克教漢奈曼巴林札魯特克什克騰烏珠穆沁浩齊特蘇尼特鄂爾多斯九旗祖獨其李格琦森札札賚爾琿台吉留故土號所部曰喀爾喀析衆萬餘為七旗授子七人領之分左右翼有三汗曰土謝圖汗曰車臣汗曰札薩克圖汗崇德三年三汗并遣使來朝定歲貢順治十二年三汗及賽音諾顏部長丹津喇嘛各遣子弟來朝冬復遣使乞盟 賜盟宗人府設八札薩克仍分左右翼其國西接額魯特每與構兵及康熙二十七年噶爾丹興兵攻破之七旗舉族款塞內附十年四月 聖祖仁皇帝親巡邊

後蒙古紀事本末

卷下

漢北分藩

三十一

外受其朝大會於多倫諾爾編審旗分安輯其衆於喀倫邊內惟留汗號其諾顏濟農等授王貝勒貝子公台吉有差令與內札薩克同列三十五年

聖祖再駕親征至克魯倫河噶爾丹駭遁西路大兵復邀擊之盡殲其衆明年噶爾丹竄死朔漠平喀爾喀諸部復還舊牧編三部為五十五旗雍正三年以回倫額駙策凌擊準噶爾次 詔率近旗十九札薩克別為一部以其祖

圖蒙肯賽音諾顏號冠之積前凡四部七十四旗乾隆中增至八十三旗附輝特一旗額魯特二旗統稱外札薩克

喀爾喀後路上謝圖汗部 直大同邊外漠北至 京師二千八百餘里東界肯特山接車臣汗部南界瀚海西界翁金河接賽音諾顏部北界楚庫河接俄羅斯界東南踰瀚海接蘇尼特右翼四子部落薩陸喀右翼諸部西北接烏里雅蘇台所屬唐努烏梁海所部初編佐領積三十七旗以分設賽音諾顏部析二十一旗隸之後增四旗凡二十旗

初喀爾喀無汗號格琦森第三子諾諾和掌左翼號偉徵諾顏子五長向巴岱赴唐古特謁達賴喇嘛迎經典歸為衆所服始稱汗號幹齊賚巴圖子額列克

嗣號墨爾根汗額列克子三長衮布始號土謝圖汗與其族車臣汗碩墨札薩克圖汗素色第同時稱三汗康熙二十七年衮布子察理多爾濟與噶爾丹戰敗率屬來歸命入居蘇尼特界內鄂琳圖三十年詔仍留土謝

圖汗號三十六年遂舊號三十八年卒孫惇多布多爾濟襲乾隆四十六年詔世襲罔替分地在杭愛山東喀里雅爾山南額爾德尼拓東北跨鄂爾坤喀魯哈二河為土謝圖汗旗

察理多爾濟從子車木楚克納木札勒康熙三十年授札薩克一等台吉三十五年晉輔國公雍正元年叙擒額魯特逃賊功封多羅貝勒九年以力疾戰歿乾隆三年追封郡王二十一年孫齊巴克雅喇木丕勒復以功晉和碩親王四十六年詔世襲罔替分地跨色楞格河為右翼左旗

察理多爾濟弟西第什哩初號巴圖爾台吉康熙二十五年赴庫倫伯勒濟爾盟授札薩克二十七年來歸命游牧蘇尼特界內阿魯額塔蘇台三十

年封多羅貝勒仍兼札薩克四十五年卒次子丹津多爾濟襲雍正元年晉郡王十一年以罪降郡王乾隆元年復封親王三年卒孫桑齊多濟襲郡王二十後蒙古紀事本末卷下 漠北分藩 二十三

年晉親王三十年以私與俄羅斯互市削爵尋復封郡王四十六年詔世襲罔替分地當土喇河曲處為中右旗

諾諾和次子阿布和孫昂噶海曾孫索諾木世駐牧庫庫博羅圖號墨爾根諾顏掌喀爾喀左翼一旗為八札薩克之一康熙二十七年索諾木子固魯什喜率屬來歸賜牧四子部落界外洪果爾二十八年由諾顏授為濟農居

三汗之次三十年封多羅郡王仍兼札薩克乾隆四十六年詔世襲罔替分地當阿爾泰軍臺所經為左翼中旗

察理多爾濟長子噶勒丹多爾濟康熙二十五年隨父赴庫倫伯勒濟爾盟授札薩克二十七年來歸三十年封多羅郡王子惇多布多爾濟尚和碩恪靖公主三十九年晉和碩親王察理多爾濟卒詔襲土謝圖汗四十一年以

溺職降襲郡王原爵雍正元年復封親王次子額璘沁多爾濟襲乾隆二十年以罪誅削爵二十二年恩復世爵改為札薩克固山貝子以惇多布多

爾濟長子根札布多爾濟襲四十六年詔世襲罔替分地在肯特山西南汗山峙其境當土喇河源汗山之北是為庫倫為中旗

察理多爾濟孩子禮塔爾曾祖喇瑚里子五長本塔爾順治十年率族內駐牧張家口外是為喀爾喀右翼部木塔爾弟色爾濟留居抗愛號達賴岱青子教巴號額爾克阿海即禮塔爾父也初隸賽音諾顏善巴旗康熙二十七年來歸以喀爾喀右翼親王諾內於己為從父兄弟附牧部內二十八年授札薩克二十九年選兵赴土喇縱屠劫驛驍

教巴以罪不封三十二年卒禮塔爾入覲謝罪授札薩克一等台吉孫達什丕

勤乾隆十九年以護視杜爾伯特游牧攻封輔國公二十一年復以捐駝馬助軍賜貝勒品級尋晉郡王品級卒子德沁喇木丕勤降襲貝勒四十六

年  
後旗  
詔世襲罔替五十七年降鎮國公分地當阿爾泰軍臺所經為左翼

西第什理長子辰丕勤多爾濟康熙四十五年弟丹津多爾濟襲父爵辰丕勤多爾濟協理旗務五十八年隨哲布尊丹巴胡圖克圖入覲請編所屬別為一旗授札薩克一等台吉子都布多爾濟乾隆二十四年以成績卓著封輔國公四十六年

詔世襲罔替分地跨土喇河為中右木旗

後蒙古紀事本末

卷下 漠北分藩

察理多爾濟第四子車凌巴勒初授一等台吉康熙五十年

山莊宋朝 上追念其父來歸之誠封札薩克輔國公析其從子札薩克

台吉班珠爾多爾濟五佐領隸之乾隆四十六年

喀魯哈河源為左翼左中末旗 詔世襲罔替分地當

察理多爾濟第三子班第達額爾德尼納木札勒來歸授札薩克尋卒子班珠

爾多爾濟康熙三十年授一等台吉襲其父所遺札薩克子琳丕勤多爾濟乾

乾二十年以功封輔國公四十六年

南至諾昆陀羅海西至烏遜珠爾東山北至齊克達噶圖嶺為右翼右旗

察理多爾濟從弟巴朗父喇布塔爾號達爾漢諾顏早通朝貢順治初以不附

逆蒙 獎賚康熙二十七年巴朗攜屬來歸 賜收蘇尼特界內烏

訥齊三十年授札薩克一等台吉子旺布乾隆三年叙前後勳擊噶爾功晉輔

國公四十六年 詔世襲罔替分地跨喀魯哈河為左翼前旗

貝子錫布推哈坦巴圖魯長子巴海康熙四十五年弟車布登襲父爵巴海協

理旗務雍正九年以功封札薩克一等台吉十年晉輔國公乾隆四十六年



世襲罔替分地當哈拉河源為右翼右末旗

親王丹津多爾濟第三子三達克多爾濟初授一等台吉乾隆三年兄子桑齊多爾濟襲爵幼以三達克多爾濟代理旗務 賜公品級十八年封輔國

公二十年晉貝子品級二十三年桑齊多爾濟請析所屬隸三達克爾多濟別為一旗 詔授札薩克四十六年理藩院議缺出請 旨五十三年

孫薩蘭多爾濟降襲公品級一等台吉分地東至察奇爾哈喇南至善達勤西至阿爾噶梭北至阿魯哈朗為中左旗

三十六年 命編所屬別為一旗授札薩克一等台吉乾隆四十六年 詔世襲罔替分地當阿爾泰軍台之東為左翼右末旗

固魯什喜從弟車校號墨爾根岱青康熙二十七年來歸三十年授札薩克一等台吉乾隆四十六年

等台吉乾隆四十六年 詔世襲罔替分地當阿爾泰軍臺之東為左翼末旗

固魯什喜從子遜篤布初授協理台吉隸從子郡王敏珠爾多爾濟旗雍正十

年以功授札薩克一等台吉乾隆二十一年 賜公品級二十二年因私

赴烏梁海購馬削公品級子三篤克多爾濟襲四十六年 詔世襲罔替

分地當阿爾泰軍臺之西為左翼中左旗 固魯什喜次子成家札布初授協理台吉隸兄郡王多爾濟拉布坦旗康熙五

十八年其母請析多爾濟阿喇布坦人戶別為一旗令成家札布轄之授札薩

克一等台吉乾隆四十六年 詔世襲罔替分地當左翼中旗之東圍出

一小游牧為中次旗 貝子錫布推哈坦巴圖魯弟青多爾濟康熙三十年來歸三十五年從征噶爾

丹有功授札薩克一等台吉析錫布推哈坦巴圖魯屬別為一旗令轄之乾隆

四十六年 詔世襲罔替分地跨鄂爾坤河色楞格河為右翼右末次旗

郡王車木楚克納木札勒弟朋素克喇布坦初授協理台吉雍正八年

上以其材超眾且諳蒙古發 命析車木楚克納木札勒二佐領令轄之

別為一旗授札薩克一等台吉乾隆四十六年 詔世襲罔替分地主喇

河喀魯哈河子是合流為右翼左後旗

後蒙古紀事本末

卷下

漠北分藩

二四

貝子錫布推哈坦巴圖魯從子車拔札布康熙二十七年。避噶爾丹掠率所屬  
徙牧俄羅斯境三十二年。集屬六百來歸。聞錫布推哈坦巴圖魯駐牧巴顏烏  
爾乞往附。 允之。三十三年。 上念其父達什為喀爾喀舊札薩克

詔世襲罔替。分地當鄂爾坤河色楞河合流處為中翼末旗。

察理多爾濟從弟錫布推哈坦巴圖魯。幹齊爾賽因汗阿巴岱之曾孫也。祖錫  
布固泰。號鄂爾濟圖理台吉。父睦車。號烏巴什。彈台吉。錫布推哈坦巴圖魯。初  
與弟青爾多濟等駐牧巴顏烏爾康。熙二十七年。避噶爾丹。掠走避喀魯倫河。  
三十年來歸。封札薩克輔國公。仍歸巴顏烏爾游牧。尋徙土喇河。三十四年。走  
陰山北。冬。徙色楞格河。三十八年。叙追擒巴爾呼。逃眾功。晉固山貝子。次子車  
布登。初降。襲鎮國公。雍正元年。晉多羅貝勒。乾隆二十一年。以附青衮。咱卜。罪  
削爵。宥。死。子齊旺。多爾濟降。襲輔國公。孫齊素。龍。多爾濟復降。襲一等台吉。仍  
兼札薩克。四十六年。 詔世襲罔替。分地有溫泉。哈拉河。伊遜河。為右翼  
左末旗。

後蒙古紀事本末

卷下

漠北分藩

三五

右一部二十旗。統盟於汗阿林。

喀爾喀中路。賽音諾顏部。至。京師三千餘里。東界博羅布爾哈蘇。多歡接  
土謝圖汗部。南界齊齊爾里克。踰瀚海。接烏喇特。阿拉善。額濟納諸部。西界庫  
勒薩雅。宇郭圖。額金嶺。北界齊老圖。河。皆接札薩克圖汗部。東北至唐努烏梁  
海。所部十九旗。後增三旗。附額魯特二旗。凡二十四旗。

初喀爾喀有所謂紅教者。與黃教爭。偉徵諾顏諾和第四子圖蒙肯。尊黃教  
為之。獲持唐古特達賴喇嘛賢之。授賽音諾顏號。令所部奉之。視三汗。圖蒙肯  
次子丹津喇嘛。復受諾爾罕號。於達賴喇嘛。順治十二年。遣子弟來朝。

詔丹津喇嘛領左翼札薩克之一。歲貢九白。如三汗例。十八年。 賜尊文  
順義號。鑄印給之。康熙三年。復。 賜丹津喇嘛孫善巴。信順額爾克岱青

號二十七年。善巴率屬來歸。附牧烏喇特界外。和勒博津。三十年。編所屬佐領  
隸土謝圖汗部。善巴封札薩克。多羅郡王。三十五年。晉和碩親王。先是喀爾喀  
分設中路。時但以賽音諾顏名其部。以示別於三汗。未議襲號。乾隆三十一年。  
親王成衮札布奏。所部來歸。初善巴為同族長。又世掌丹津喇嘛所遺印。請視

三汗例以善巴曾孫諾爾布札布襲賽音諾顏號

詔允其請俾與土謝

圖汗車臣汗札薩克圖汗均世襲固替分地當鄂爾坤河源為賽音諾顏旗善巴再從弟策凌祖丹津號班珠爾圖蒙肯第八子也生子納木札勒號約蘇圖偉徵阿海子二長即策凌次恭格喇布坦康熙三十一年丹津妻格葉勒哈屯攜二孫自塔米爾來歸 詔授策凌三等輕車都尉 賜居京師

教養內廷編所屬佐領附察哈爾鑾黃旗駐牧四十五年尚和碩純愨

公主授和碩額駙尋

賜貝子品級攜屬歸塔米爾六十年授札薩克雅

正元年以從征奮勉封多羅郡王軍用正黃旗壽九年晉和碩親王授喀爾喀

大札薩克十年以破賊額爾德尼昭功

賜號超勇晉授固倫額駙乾隆

十五年薨

詔配享

太廟崇祀賢良祠定謚曰襄子成衮札布襲

札薩克和碩親王四十六年

詔世襲固替分地當塔米爾哈絡齊老圖

三河源為中左末旗

圖蒙肯長子卓特巴號車臣諾顏有子三第三子索諾木和碩齊子二長烏巴

達次托多額爾德尼康熙二十七年來歸附牧烏喇特界三十年授托多額爾

後蒙古記事本末

卷下

漠北分藩

三六

尼札薩克鎮國公三十一年卒

詔烏巴達襲初托多額爾德尼無子以

從兄子策旺諾爾布為嗣授侍衛推內大臣上駙院卿康熙五十一年烏巴達

子巴穆辛命仍以策旺諾爾布襲雍正二年因避藏功晉封固山貝子子車木

楚克札布乾隆十九年

賜貝勒品級二十一年青衮咱卜叛車木楚克

札布督兵接續驛站軍書乃達封多羅貝勒尋復以招降烏梁海善於撫納晉

多羅郡王四十六年

詔世襲固替分地當拜塔里克河源為右翼右後

旗

起勇襲親王策凌次子車布登札布初授一等台吉雍正十年以擊賊額爾德

尼昭被創封輔國公乾隆十七年兄成家札布請析所屬令車布登札布自為

一旗

詔允授札薩克十九年叙勦烏梁海功

賜貝子品級二十

年從班第平伊犁封多羅貝勒二十一年晉郡王

詔世襲固替分地當

推河源為中右旗

圖蒙肯弟巴賽之曾孫素泰伊勒登初隸土謝圖汗部駐牧翁金布爾哈台康

熙二十七年來歸附牧四子部落界外察罕博托輝三十年授札薩克鎮國公

孫阿努哩雍正九年晉固山貝子阿努哩之孫羅卜藏車璘乾隆二十年大軍  
勦達瓦齊督理烏蘭烏蘇及烏魯木齊驛務會阿逆劫驛羅卜藏車璘拒戰死  
察音貝勒四十六年 詔世襲罔替分地跨濟爾瑪台河鄂爾昆  
河翁金河為中前旗

圖蒙肯第十二子索布號昆都倫博碩克圖二十五年赴庫倫伯勒齊爾盟投  
札薩克二十七年集眾來歸三十年封多羅郡王子額琳沁降襲貝勒乾隆四  
十六年 詔世襲罔替分地有特爾克河伊第爾河合於齊老圖河為色  
楞格河為中左旗

善巴從子阿哩雅曾祖錫納喇克沙特為圖蒙肯第十子號理台吉領所部札  
薩克長子齊巴克塔爾號車臣諾顏以附噶爾丹為和託輝特貝勒根惇所執  
子布尼早死遺子一即阿哩雅康熙三十年來歸授一等台吉兼札薩克子格  
木丕勒以擊準噶爾功雍正十年封輔國公乾隆二年晉鎮國公四十六年  
詔世襲罔替分地哈綏河至是合於色楞格河為中末旗

善巴次子車凌達什康熙四十六年析其兄親王達什惇多布魯別為一旗令  
後蒙古紀事本末 卷下 漠北分藩 三七

轄之授札薩克一等台吉尋以協濟軍需功晉輔國公乾隆四十六年  
詔世襲罔替分地當翁金河源為右翼中左旗

鎮國公托多額爾德尼從子圖巴父本塔爾號岱青楚琥爾諾顏駐牧庫倫伯  
勒齊爾康熙二十七年來歸附牧四子部落界外察罕博托輝三十年本塔爾  
卒授圖巴札薩克一等台吉孫齊旺雍正十年以擊賊額爾德尼昭功封輔國  
公乾隆四十六年 詔世襲罔替分地墨特河至是合於拜塔里克河為  
右翼末旗

圖蒙肯第五子濟雅克號偉徵諾顏子阿玉什康熙二十七年來歸三十年授  
札薩克一等台吉三十五年以遣虜鄉導大軍功封輔國公乾隆四十六年  
詔世襲罔替分地胡努伊河至是合於哈綏河為右翼前旗

鎮國公巴穆長子諾爾布札布康熙五十一年授札薩克一等台吉乾隆元年  
叙擊準噶爾功晉輔國公四十六年 詔世襲罔替分地有布爾噶蘇台  
河合於札布噶河為中後旗

善巴從子旺舒克父德克德赫號星爾根阿海以隨札薩克圖汗沙喇迎噶爾

丹為土謀圖汗察理多爾濟所殺乾隆三十一年旺舒克來歸授札薩克輔國公四十六年

詔世襲固替分地當札布噶河源為左翼左旗親王德沁札布次子齊旺多爾濟初授一等台吉乾隆十九年請從征達瓦齊

賜公品級二十二年晉貝子品級二十四年德沁札布奏本旗丁戶滋

衆請增編佐領授齊旺多爾濟轄別為一旗 詔從其請授札薩克三十

八年以罪革爵仍 恩授其子三都布多爾濟札薩克一等台吉降襲公

品級缺出請 旨分地跨哈綏河為左翼中旗

善巴再從弟丹津額爾德尼祖畢瑪里吉哩謙圖蒙肯第九子也號巴圖爾額

爾德尼諾顏父弼齊噶岱號額爾克岱青世為所部札薩克康熙二十七年丹

津額爾德尼隨善巴來歸三十年授札薩克一等台吉乾隆四十六年

詔世襲固替分地東至諾木幹南至霍爾朔特西至依薩賚北至額勒素白為

左翼右旗

圖蒙肯曾孫納木札勒祖察斯喜布號昆都校圖蒙肯第七子也父圖巴察斯

喜布第三子也納木札勒康熙三十五年以隨西路大軍擊賊功封札薩克一

等台吉乾隆四十六年 漢北分藩

詔世襲固替分地跨塔木爾河胡努伊河為左

翼末旗

善巴從弟多爾濟祖丹津喇嘛父瑪哈達瓦多爾濟號倬徵阿海以噶爾丹掠

所部遊走青海朔漠平喇嘛商南多爾濟奏請從歸喀爾喀 許之授聞

散台吉附善巴旗康熙五十一年編所屬丁戶自為一旗授札薩克一等台吉

乾隆四十六年 詔世襲固替分地拜塔里克河之東至是豬於察罕

諾爾為右翼中末旗

善巴從弟素達尼祖丹津喇嘛父羅卜藏號額爾德尼伊拉古克三陀音舊為

所部札薩克素達尼舊隸善巴旗任協理台吉康熙三十六年隨西路大軍擊

賊汗阿林善巴請編所屬別為一旗令轄之授札薩克一等台吉乾隆四十六

年 詔世襲固替分地跨翁金河為右翼左末旗

郡王家布曾孫額墨根祖都噶爾札布號岱青阿海父喇布坦號永圖台吉額

墨根初授協理台吉隸貝勒吹札木三旗乾隆三年授一等台吉四年以奉使

勞授札薩克四十六年 詔世襲固替分地當伊爾河源為右末旗

善巴再從弟沙魯伊勒都齊祖桑噶爾扎號伊勒登和碩齊圖蒙肯第十一子也生都噶爾隸善巴旗子卽沙魯伊勒都齊康熙三十五年以隨西路大軍剿賊功授札薩克一等台吉乾隆四十六年

台河為右翼中右旗

詔世襲罔替分地當濟爾瑪

札薩克台吉阿哩雅叔祖薩木濟特父錫納喇克薩特號琿台吉世為所部札薩克薩木濟特嗣號昆都綸墨爾根岱青康熙三十一年來歸授一等台吉仍兼札薩克乾隆四十六年

岸為右翼後旗

詔世襲罔替分地當哈綏河北岸色楞河南

善巴再從弟濟納彌達祖扣肯號巴札爾圖蒙肯第十二子也父車登號緯克圖濟納彌達舊隸善巴旗康熙四十八年授札薩克一等台吉別為一旗乾隆四十六年

詔世襲罔替分地跨齊老圖河為中後末旗

善巴再從弟伊達木與中左翼左末旗同祖父札木延號琿台吉舊為所部札薩克察斯喜布之長子也伊達木號墨爾根台吉康熙二十七年來歸隸善巴旗三十五年以剿賊昭莫多功授札薩克一等台吉別為一旗乾隆四十六年

後蒙古紀事本末

卷下 漠北分藩

三九

詔世襲罔替分地當塔米爾河南岸為中右翼末旗

準噶爾祖額斯墨特達漢諾顏九世孫丹濟拉父溫春台吉噶爾丹弟也與兄同游牧阿爾泰早卒丹濟拉依噶爾丹特見信用

聖祖仁皇帝屢遣使

招之康熙三十六年噶爾丹死乃降授內大臣三十七年

詔隸察哈爾

正黃旗編佐領以其子多爾濟色布騰領之四十四年封丹濟拉札薩克輔國公四十五年

諭赴牧推河偵防準噶爾賊自是不復隸察哈爾旗雍正

元年晉封多爾濟色布騰固山貝子八年晉多羅貝勒九年請內徙歸化城

詔游牧錫喇木倫子三都布降襲固山貝子復自錫喇木倫徙喀爾喀河

三都布子貢楚克邦復徙推河乾隆二十六年始定牧賽音諾顏之烏蘭烏蘇四十六年

詔世襲罔替分地跨濟爾瑪台河為額魯特旗

準噶爾祖額斯墨特達爾漢諾顏十世孫阿喇布坦曾祖墨爾根岱青為噶爾

丹父巴圖爾琿台吉之弟祖丹津號噶爾瑪岱青和碩齊父都噶爾阿喇布坦其第五子也初與噶爾丹收牧阿爾泰之科布多噶爾丹深倚任之尋與之異

康熙四十一年來歸封多羅郡王

諭游牧推河四十二年授札薩克子

車校旺布色布騰旺布相繼襲雍正九年色布騰旺布以族屬有被準噶爾誘叛者請徙牧喀爾喀河附近地 允之乾隆十三年嗣子朋素克降襲固

山貝子復自喀爾喀河徙牧推河二十六年始定牧賽音諾顏之烏蘭烏蘇四十六年 詔世襲罔替分地當塔米爾河北岸為額魯特前旗

右一部二十四旗統盟於齊齊爾里克

喀爾喀東路車臣汗部 直古北口邊外漠北至 京師三千五百里東界額爾德尼陀羅海接黑龍江呼倫貝爾城南界塔爾滾柴達木踰瀚海接浩齊特阿巴噶阿巴哈納爾諸部西界察罕齊老圖北界溫都爾罕接俄羅斯邊喀爾喀南接烏珠穆沁部西與西南皆接土謝圖汗部所部初編佐領置十一旗後增十二旗凡二十三旗

格琦森札札賚爾理台吉第五子阿敏都喇勒有子謨囉貝瑪駁牧喀魯倫河生子碩壘始號車臣汗又號瑪哈薩嘛讓初喀爾喀服屬於察哈爾天聰九年碩壘偕烏珠穆沁蘇尼特諸部長上書通好貢駝馬嗣是貢獻不絕順治十二年碩壘子巴布嗣為汗 命領左翼札薩克之一康熙二十二年巴布子

後蒙古紀事本末

卷下

漠北分藩

三十一

諾爾布嗣二十七年噶爾丹掠喀爾喀至喀魯倫河時諾爾布及長子伊勒登阿喇布坦相繼卒孫烏默客幼台吉納木札勒等攜之來歸凡從眾十餘萬戶正六年 賜烏默客孫車布登班珠爾印文曰格根車臣汗乾隆四十六年 詔世襲罔替分地跨喀魯倫河為格根車臣汗旗

烏默喀叔父納木札勒初號額爾德尼台吉康熙二十七年倡議偕烏默客來歸授濟農兼領烏默客眾二十八年授札薩克三十年封多羅郡王孫巴雅爾什第乾隆二十年以擒賊功晉封和碩親王四十六年 詔世襲罔替分地在科勒蘇河之東跨喀魯倫河為左翼中旗

烏默客叔父朋素克初號伊勒登台吉康熙二十七年來歸授濟農二十八年授札薩克三十年封固山貝子三十五年以從征噶爾丹功晉多羅郡王仍留伊勒登濟農號乾隆四十六年 詔世襲罔替分地喀爾喀河於是豬於貝爾諾爾為中右旗

烏默客三從叔父車布登祖巴特瑪達什號達賚璋台吉碩壘汗第八子也父

丹巴有二子長卽車布登初號額爾克台吉康熙二十七年來歸二十八年授札薩克三十年封多羅貝勒子旺札勒雍正元年以追擒額魯特逃賊晉郡王八年因遲誤軍駝削爵九年復授貝勒乾隆四十六年

詔世襲罔替分

地東至鄂羅格依南至烏蘭陀羅海西至伊克噶札爾齊圖奎巴顏哈喇為右翼中旗烏默客族祖達哩父嘛察哩號伊勒登土謝圖碩壘汗長子也達哩襲伊勒登號康熙二十七年來歸授濟農三十年授札薩克固山貝子尋以老病乞休子阿海成伯勒襲三十五年

道左

上親征遣屬為大軍嚮導凱旋隨父綏服謁慰勞之并授瑪合杜喇爾達爾漢號乾隆四十六年

詔世

襲罔替分地東至察克布拉克南至溫都爾哈喇陀羅海西至訥固爾格圖烏蘇北至庫特肯額里雅山為中末旗

顧壘汗第十子布達札布號額爾德尼台吉康熙二十七年來歸二十八年授濟農及札薩克三十年封固山貝子五十年來朝晉多羅貝勒子雲悻琳沁降龍輔國會孫達爾濟雅乾隆二十年以擊賊功晉封固山貝子乾隆四十六年

詔世襲罔替分地東至和爾蓋山南至搜吉烏蘇西至沙喇哈達北

後蒙古紀事本末

卷下

漠北分藩

三十一

至伯爾克山為中左旗

碩壘汗第七子車布登初號車臣濟農康熙二十七年來歸二十八年授札薩克三十年封固山貝子四十年孫車拔布木降襲鎮國公五十五年曾孫格琦克巴木丕勒降襲輔國公乾隆二十年以督解駝馬遲誤罪削二十一年復爵二十五年晉鎮國公子衣布札布仍降襲輔國公四十六年

詔世襲罔

替分地跨教嫩河為中後旗

烏默客族叔父車布登祖本巴號巴圖爾達爾漢理台吉碩壘汗第四子也有子三長噶爾瑪次洪俄爾岱青次額爾克阿海噶爾瑪子二長卽車布登次罕篤初洪俄爾岱青嗣父為理台吉康熙二十七年遣使乞內附二十八年授札薩克尋為噶爾丹所掠不獲歸罕篤代領其眾三十年

上追念洪俄爾

岱青內附誠封罕篤鎮國公兼襲所遺札薩克三十四年以額爾克阿海子錫喇布訟其誘奪屬產又會噶爾丹掠巴顏烏爾

諭徙牧喀內懼叛遁俄

羅斯選車布登與俱車布登弗從追敗其眾於呼拉濟

詔卽以罕篤鎮

國公授之仍兼札薩克乾隆四十六年

詔世襲罔替分地當索岳爾濟



山北濱喀爾喀河為左翼前旗

貝勒車布登從弟車梭旺布祖巴特瑪達什父齊旺車梭旺布初授協理台吉隸右翼中旗康熙五十年叙追緝巴爾呼逃人功授一等台吉五十一年授札薩克雍正元年劉額魯特逃賊盡擒其累二年封輔國公乾隆四十六年

詔世襲罔替分地東至依札噶爾山南至巴噶額里彥山西至鄂羅克依山北至拖諾為右翼中右旗

烏默客族祖車梭達什父綽斯喜布為碩壘汗第六子初所部台吉之得貢九白春皆授札薩克車梭達什其一也號額爾得尼理台吉康熙二十七年率屬宋歸三十年授一等台吉仍兼札薩克三十五年叙功封輔國公曾孫成衮乾隆二十一年以駐防烏里雅蘇台私歸游牧削爵子德木楚克降襲一等台吉四十六年

詔世襲罔替東至鄂爾布勒山南至滾尼温都爾西至布哈山梁北至烏蘭温都山為左翼後旗

輔國公車梭達什弟多爾濟達什初授二等台吉食札薩克俸康熙五十年授札薩克一等台吉乾隆二十一年子成衮札布以嚴守汛地功 獎賜公

後蒙古紀事本末

卷下

漠北分藩

三五

品級四十六年

詔世襲罔替分地東至沙喇德阿克南至額里彥和碩西至鄂爾布勒山北至哈喇鄂博克圖為左翼後未旗

輔國公車梭達什從子固魯札布父丹津綽斯喜布之長子也固魯札布初號額爾德尼台吉康熙二十七年隨母達吉納哈屯來歸三十年授札薩克一等台吉乾隆四十六年

詔世襲罔替分地東至哈勒塔爾和碩南至克布特什西至阿克索那山東北至額里彥和碩西北至滾尼温都爾為右翼後旗貝子達哩孫旺札勒札布初授二等台吉隸中末旗雍正十三年獻駝馬助軍授一等台吉乾隆十四年復以捐造軍器協濟口糧授札薩克四十六年

詔世襲罔替分地東至特克什烏蘇南至多木達哲爾克特山西至鄂爾和山北至庫登圖山為中末右旗

烏默客族叔父吹音珠爾祖察布理號額爾德尼台吉隸中末旗康熙五十二年請編屬丁五百自為一旗授札薩克一等台吉乾隆四十六年

襲罔替分地東至喀喇諾爾南至布隆和特西至察罕特莫滾山梁北至僧庫爾河為右翼中左旗 詔世

烏默客旌叔父色核達什祖拉布哩號額爾克台吉碩壘汗第三子也父諾珣宰桑暉台吉龍額爾克號色核達什於康熙二十七年來歸三十年授札薩克一等台吉乾隆四十六年詔世襲罔替分地東至薩喇克河南至喀喇

莽蕪西至喀喇諾爾北至招莫多為右翼前旗

烏默客叔父根惇康熙四十年來朝上念其為舊軍臣汗諾爾布之子授札薩克一等台吉乾隆四十六年詔世襲罔替東至鄂博克圖山南

至巴彥溫都爾西至庫圖勒烏蘇北至得勒山為右翼左旗

烏默客從叔父韜資父穆彰號墨木根楚琥爾舊軍臣汗諾爾布伯兄也康熙三十年授韜資聞散台吉隸軍臣汗旗三十四年請編屬丁六百自為一旗授札薩克一等台吉乾隆四十六年詔世襲罔替分地東至哈爾噶朗圖

山南至圖木斯圖山西至布爾噶素圖北至噶勒齊老為中末次旗

烏默客叔父垂札木素康熙四十年來歸上念其為舊軍臣汗諾爾布之子授札薩克一等台吉乾隆四十六年詔世襲罔替分地跨喀魯倫

河為左翼右旗

後蒙古記事本末 卷下 漠北分藩

三十三

烏默客從叔父羅卜藏父布達號岱青輝台吉舊汗諾爾布仲兄也康熙三十年授羅卜藏聞散台吉隸中右旗三十六年叙擊叛賊罕篤功授札薩克一等台吉乾隆四十六年詔世襲罔替分地在肯特山東當喀魯倫教嫩二

河源為中右後旗

烏默客叔父額爾德尼康熙三十五年從大軍征噶爾丹叙功授一等台吉四十年來朝上念其為舊汗諾爾布之子授札薩克乾隆四十六年

詔世襲罔替分地跨喀魯倫河為左翼左旗

貝子阿南達長子貢楚克康熙三十六年弟丹津襲父爵授貢楚克一等台吉兼札薩克乾隆四十六年詔世襲罔替分地跨魯倫河為中左前旗

碩壘汗第十一子阿南達號達賚台吉康熙二十七年率屬來歸二十八年授

濟農及札薩克三十年封固山貝子三十五年卒妻蘇喇達嘛請以第三子丹

津襲爵其札薩克以長子一等台吉貢楚克襲四十四年丹津卒蘇嘛達喇請

以第四子齊巴勒阿喇布坦襲詔降襲鎮國公尋兼札薩克四十五年

卒以丹津子延楚布多爾濟襲雍正二年侍蘇嘛達喇來朝仍封固山貝子乾

隆二十三年。子旺沁札布襲尋以罪削札薩克。降授開散輔國公。封其弟貢素  
噶札布一等台吉。兼札薩克。四十六年。詔世襲固替分地跨喀魯倫河。

為中前旗。

貝子阿勒達爾孫車核多岳特初授二等台吉。乾隆十九年。駐防烏里雅蘇台。  
獻馬五百。晉一等台吉。二十年。大軍剿達瓦齊。復獻馬六百。牛百。羊千。封輔國  
公。兼札薩克。卒。子車登札布降襲一等台吉。四十六年。詔世襲固替分

地當喀魯倫河曲處。為右翼中前旗。

右一部二十三旗。統盟於喀魯倫巴爾和屯。

喀爾喀西路札薩克圖汗部。直隸夏邊外漠北至。京師四千餘里。東界翁  
錦錫爾哈勒珠特。接賽音諾顏部。西界喀喇烏蘇額塔克諾爾。接科布多界。南  
界阿爾察喀喇托輝。踰瀚海。接額濟納旗及鎮西府。北界特斯河。接唐努烏梁  
海。所部初編佐領。分十旗。後增八旗。附輝特部一旗。凡十九旗。

初格塔森札札賚爾。理台吉。以七子分掌喀爾喀左右翼。左翼從牧土拉河界。  
右翼仍留居杭愛山。長子阿什海達爾。漢理台吉。子二。長巴延達喇子。賚瑚爾。

後蒙古紀事本末

卷下 漠北分藩

三四

為右翼長。所部尊之曰汗。卒。子素巴第。始號札薩克圖汗。卒。子諾爾木嗣。稱弼  
什喀勒圖汗。卒。子旺舒克襲。同部羅卜藏台吉額林沁。以私憾殺之。康熙九年。

命旺舒克弟成衮襲汗號。輯其眾。二十三年。成衮卒。子沙喇噶爾丹。誘  
會於固爾班。赫格爾。復為土謝圖汗察理。多爾濟所殺。二十七年。噶爾丹掠杭  
愛。所部大潰。沙喇弟策旺札布。偕同族色拔阿海等。相繼來歸。三十年。特封策  
旺札布和碩親王。代領部眾。始稱札薩克圖汗部。四十年。命仍襲汗號。

雍正四年。以從征。退縮削爵。

詔郡王額爾德尼朋素克喇布坦子格塔

克延丕勒襲汗號。兼郡王爵。領右翼左旗。札薩克圖汗旗。兼管右翼左旗。詔

世襲固替。分地有博格爾諾爾。為札薩克圖汗旗。兼管右翼左旗。

格塔克延丕勒。族祖根惇。祖碩壘烏巴什。父杭圖岱。世為理台吉。居和託輝特。  
根惇嗣。號額爾克岱青。康熙二十五年。尚書阿喇尼承。制授根惇札薩

克。領和託輝特眾。三十五年。來歸。封多羅貝勒。仍兼札薩克。子松津僧格。降襲

輔國公。五十九年。以功封多羅貝勒。子班第。孫青來。咱卜。相繼襲。乾隆二十一

年。青衮咱卜以叛誅。

命博貝次子札薩克輔國公額琳沁之子旺布多

爾濟襲二十二年以功

賜郡王品級四十六年

詔貝勒爵世襲

固替郡王品級出缺時請

旨分地在桑錦達賚泊之北為中左翼左旗

貝勒卓特巴次子喇布坦初授閒散台吉隸左翼右旗雍正五年隨超勇親王

策凌與俄羅斯定界策凌為其才請別為札薩克授一等台吉乾隆二十一年

以不附青衮咱卜

賜公品級子朗衮札布初為協理台吉因從征違瓦

齊及哈薩克晉一等台吉二十三年隨靖逆將軍雅爾哈善剿庫車逆回封輔

國公復從定邊將軍兆惠擊賊呼爾璜晉鎮國公四十六年

詔世襲罔

替分地俟考為左翼中旗

卓特巴從子額爾德尼衮布父諾木齊號阿海台吉康熙元年札薩克圖汗旺

舒克為羅卜藏台吉額琳沁所敗額爾德尼衮布弟阿海岱青會土謝圖汗部

兵擊走額琳沁九年遣使貢駝馬請以旺舒克弟嗣稱汗詔嘉之授札薩克代

額琳沁貢九白十七年阿海岱青卒子朋素克嗣

賜導義台吉號及印

三十年朋素克卒額爾德尼衮布迎觀多倫諾爾授札薩克一等台吉四十六

後蒙古紀事本末

卷下

漠北分藩

三五

年。詔世襲罔替分地東至札布噶河南至庫勒根西至巴噶圖爾根北

至席喇烏蘇為右翼後旗

格埒克延丕勒族祖卓特巴父烏巴岱為賚瑚爾汗次子號達爾瑪什哩彈台

吉子二長即卓特巴襲父號康熙二十九年來歸授札薩克三十年以掠導義

台吉牧產奪職九月服罪來朝封多羅貝勒仍授札薩克孫諾爾布班第雍正

十二年又以縱屬奪軍糧降鎮國公乾隆四十六年

詔世襲罔替分地

在都爾根諾爾之南為左翼右旗

郡王朋素克喇布坦從叔父衮占祖賽音巴特瑪號哈坦巴圖爾子車凌衮布

嗣父號有子二長即衮占號額爾德尼哈坦巴圖爾康熙二十七年來歸二十

八年授札薩克三十年授一等台吉五十年來朝封輔國公乾隆四十六年

詔世襲罔替分地俟考為左翼前旗

衮占子二長伊達木札布次敏珠爾襲父爵伊達木札布授協理台吉雍正四

年以功授札薩克一等台吉乾隆四十六年

詔世襲罔替分地在奇勒

稽思諾爾之東為左翼後末旗

貝勒博貝弟沙克托初陷準噶爾後乘閒歸授二等台吉雍正二年以功授札薩克一等台吉乾隆四十六年 詔世襲罔替分地當德勒格爾河西岸

桑錦達賚之東為右翼右末旗

貝勒博貝從孫齊巴克札布祖羅卜藏達什博貝弟也父烏巴錫生子一即齊巴克札布初授二等台吉乾隆二十一年以捕擊烏梁海逃叛沒追封輔國公并授其子巴圖濟爾噶勒札薩克四十六年 詔世襲罔替分地在桑錦

達賚之南為中左翼右旗

格埒克延丕勤從叔父貝祖策哩斯奇布賽因阿海為車臣濟農峻奎次子生巴喇斯騰額哩陀音號察罕巴爾包貝父也康熙二十七年率屬來歸二十八年授札薩克三十年封固山貝子長子烏巴什次旺舒克相繼降襲鎮國公旺舒克子拉旺多爾濟復降襲輔國公乾隆四十六年 詔世襲罔替分

地東至烏蘭布拉克南至鄂羅克依西至庫那圖北至特勤圖為右翼右旗

郡王朋素克喇布坦從弟索諾木伊斯札布祖策璘楚琥爾為車臣濟農峻奎長子父多爾濟世襲車臣濟農號康熙二十七年索諾木伊斯札布率屬來歸

後蒙古紀事本末

卷下

漠北分藩

三十年

詔除濟農舊號授札薩克一等台吉三十六年以防禦功封輔

國公乾隆四十六年

詔世襲罔替分地東至鄂羅克依南至諾果幹庫

克博爾西至鄂博爾固恩北至烏蘭諾爾為左翼後旗

格納克延丕勒族叔父通謨克高祖青達瑪尼默濟克號車臣諾顏曾祖唐古特墨爾根岱青祖本塔爾岱青巴圖爾有子二長墨德卓哩克圖即通謨克父也噶爾丹掠所部墨德卓哩克圖族潰奔青海康熙四十三年乞遠牧喀爾喀

詔許之授一等台吉五十三年通謨克嗣兼授札薩克雍正二年以功

封輔國公乾隆四十六年

詔世襲罔替分地濟爾哈河至是豬於察罕

諾爾為中右翼末旗

郡王朋素克喇布坦從弟哈瑪爾岱青祖固魯諾木齊為車臣濟農峻奎第三子父博托果號額爾克諾顏哈瑪爾岱青初授二等台吉康熙三十六年朔漢平叙功授札薩克一等台吉乾隆四十六年 詔世襲罔替分地東至阿拉克諾爾南至札斯台西至哈喇得勒北至胡濟爾圖為右翼後末旗輔國公通謨克從子普爾普車梭祖巴克蘇木當噶爾丹掠所部時遜居特穆

爾圖諾爾鄰伊犁子孫遂為準噶爾部人乾隆二十年大軍剿達瓦齊普爾普車拔攜族來歸授札薩克一等台吉以通謨克子旺沁札布為其近族

命往同居二十四年卒無子其母車拔請以旺沁札布第三子沙克都爾札布為普爾普車拔嗣  
詔允四十六年 詔世襲罔替分地東至噶濟格南

至札木圖西至巴爾魯克北至哈勒占和碩為中右翼左旗  
格培克延丕勒從祖烏爾占父察罕斯奇布號車臣諾顏為車臣濟農燈奎第五子烏爾占嗣父號康熙二十七年率屬來歸二十八年授札薩克三十年授

一等台吉乾隆四十六年 詔世襲罔替分地東至薩喇塔拉南至鄂羅克依西至札爾滿北至保喇為右翼前旗

格培克延丕勒族弟諾爾布五世祖鍾圖岱號巴圖爾有子丹巴號昆都倫陀音為喀爾喀八扎薩克之一子七長色拔阿海嗣札薩克生子二長喇嘛札布

次肅哩子納木札勒多爾濟即諾爾布父也康熙二十七年色拔阿海率諸弟來歸三十年封札薩克多羅郡王卒喇嘛札布降襲多羅貝勒卒子策登札布

襲乾隆二十一年以附青蒙哨卜叛誅定邊左副將軍成衮札布奏以諾爾布後蒙古紀事本末

卷下 漠北分藩 三十七  
領其眾 詔允授札薩克一等台吉四十六年 詔世襲罔替分地  
在奇勒稽思諾爾愛拉克諾爾之南跨空歸河為左翼左旗

貝勒博貝從子納瑪琳藏布祖羅卜藏台吉額琳沁以戕札薩克圖汗旺舒克奔額魯特嗣與噶爾丹際避居西藏依達賴喇嘛康熙三十一年由西甯入觀

上以其舊為札薩克封輔國公三十五年隨剿噶爾丹卒於軍長子鄂爾齊圖哈坦巴圖爾以疾廢停襲四十八年授納瑪琳藏布札薩克一等台吉

乾隆四十六年 詔世襲罔替分地有特們諾爾委衮諾爾為中右翼末次旗

貝勒博貝從子達什朋素克父圖巴初以避噶爾丹亂奔青海後來歸隨博貝布魯勒進剿準噶爾有功授一等台吉旋封輔國公克爾森齊老之役以援剿

不力私歸游牧罪削爵留軍效力未幾復授一等台吉卒子即達什朋素克也雍正十二年超勇親王策凌薦其才授二等台吉乾隆二十年領青蒙哨卜

叛馳報烏里雅蘇台令為備二十一年以功授一等台吉尋析青蒙哨卜屬令轄之授札薩克四十六年 詔世襲罔替分地當德勒格爾河東

岸為中左翼未旗

額魯特部輝特族人噶爾丹達爾札姓伊克明安父羅卜藏初為準噶爾台吉以噶爾丹虐所部棄之從和碩特台吉噶爾賈多爾濟來歸尋噶爾賈多爾濟叛逃羅卜藏不從叙功封輔國公

詔以長子巴濟襲爵授札薩克領部

衆巴濟有弟四人皆隸之噶爾丹達爾札最幼雍正九年巴濟攜噶爾丹達爾札叛附準噶爾乾隆二十年大軍定伊犁巴濟前死噶爾丹達爾札率族迎降

詔授一等台吉三十年卒子拉克沁噶喇襲授札薩克給印四十六年

詔世襲罔替分地當濟爾哈河東岸為輝特旗

右一部十九旗統盟於札克畢額色欽畢都爾諾爾

### 漢西分藩

額魯特舊分四部曰和碩特姓博爾濟吉特曰準噶爾曰杜爾伯特皆姓絳羅斯曰土爾扈特姓不著部自為長號四衛拉特統稱額魯特即明史所謂瓦剌者也。有輝特者姓伊克明安最微初隸杜爾伯特後土爾扈特徙俄羅斯輝特遂為四衛拉特之一云

### 後蒙古紀事本末

#### 卷下

漢西分藩

三八

阿拉善額魯特部

在河套以西

亦曰西套額魯特

袁延七百餘里至京師五千里

漠北地都西境及武威張掖二郡北境地晉為前涼張軌後涼呂光北涼沮渠蒙遜地唐屬河西節度使廣德初陷於西番宋景德中陷於西夏元屬甘肅行中書省明末為額魯特蒙古所據一旗

元太祖弟哈布圖哈薩爾十九世孫拜巴噶斯青海願實汗之兄也初無子育願實汗之子巴延阿布該阿玉什為己子後自生子二長鄂齊爾圖號車臣汗

次阿巴賴游牧河西套巴延阿布該阿玉什號達賴馬巴什有子十六居西套者十二其長曰和羅理號巴圖爾額爾克濟農康熙十六年噶爾丹以兵襲西套戕鄂齊爾圖破其部和羅理逃竄近邊二十五年上書求給牧地

詔

於甯夏甘州邊外畫界給之諸昆弟子姓隸焉三十六年和羅理以所部數叛請視四十九旗例編左領

授札薩克封多羅貝勒雍正二年和羅理子

額駙阿寶以功晉多羅郡王次子羅卜藏多爾濟襲乾隆十五年尚郡王授多羅額駙三十年以功晉和碩親王四十七年

詔世襲罔替分地當費爾

山西龍頭山北自為一部不設盟

杜爾伯特部

一作特部

至京師六千餘里。元臣孛罕裔。姓綽羅斯。六傳至額

森生子二。長博羅納哈勒。為杜爾伯特部祖。次額斯墨特達爾漢諾顏。進噶爾  
部祖也。杜爾伯特舊為四額魯特之一。輝特隸之和碩特部。土爾扈特部。或收  
青海。或徙俄羅斯。惟杜爾伯特與進噶爾最收阿爾台。無析處者。噶爾丹之亂  
其兄子策妄阿喇布坦棄之。徙博羅塔拉。杜爾伯特諸台吉從之。分收額爾齊  
斯河乾隆十八年冬。因畏進噶爾逼。率族內附。旋依內蒙古例。編置佐領。以札  
薩克領之。所部左翼十一旗。右翼三旗。附輝特二旗。凡十六旗。

博羅納哈勒九世孫車凌。初為進噶爾屬。乾隆十八年。以達瓦齊不足事。率部  
眾來歸。從者三千百七十餘戶。口以萬計。

詔封札薩克和碩親王。二十

年。授參贊大臣。從西路軍征達瓦齊。伊犁定。

賜食親王。雙俸。增護衛員。

倍之。尋率新降台吉入覲。封杜爾伯特汗。

賜特固斯庫魯克達賴號。授

左翼盟長。二十三年卒。

上以車凌識時慕義。率屬歸誠。始終效力。鈐收

詔勤習牧務。二十

四年卒。子瑪克蘇爾。札布襲。四十七年卒。

詔世襲罔替。為杜爾伯特汗旗

後蒙古紀事本末

卷下

漠北分藩

三九

汗車凌從叔車凌蒙克。乾隆十八年。偕車凌。凌。蒙。克。至者。凡七百餘戶。  
車凌。車凌。蒙。克。行既尊。且兼領巴約特務。以故從車凌。蒙。克。至者。凡七百餘戶。  
戚屬僅百有十四餘。皆巴約特屬隸之者。

詔封札薩克多羅貝勒。二十

年。授參贊大臣。從西路軍。進征伊犁。定。晉封多羅郡王。督所部兵。駐防伊犁。二  
十二年卒。次子巴雅勒當襲。二十三年卒。無子。以弟博斯和勒襲。四十六年卒。  
子納旺。李諾本襲。四十七年。

詔世襲罔替。為中旗。

汗車凌族弟色布騰。乾隆十八年。來歸。封多羅貝勒。授札薩克。二十年。授參贊

大臣。從西路軍。進征阿逆。叛。

仍授參贊大臣。加郡王品級。尋以疾。道卒。

詔赴烏里雅蘇台。偕駐防大臣。籌辦軍務。

授副盟長。二十六年。從剿瑪哈沁。宰桑色布騰。

賜幣。二十七年。

詔杜爾伯特左右翼各設副將軍。一左翼用正白旗。轟以。

授印軍符。給

之。授巴桑為左翼副將軍。四十七年。

詔世襲罔替。為中左旗。

汗車凌族弟剛。乾隆十八年。來歸。授札薩克。輔國公。三十三年卒。子札納巴克。  
襲。四十七年。

詔世襲罔替。為中前旗。



汗車凌從叔父巴圖蒙克乾隆十八年來歸授札薩克輔國公二十三年春機  
圖明噶特於烏蘭固木河

七年

詔世襲罔替為中後旗

詔量加賞賚十九年卒次子烏呼斯襲四十

汗車凌族弟瑪什巴圖乾隆十八年來歸封札薩克輔國公二十年從征達瓦  
齊追至格登山庫魯克嶺叙功晉封固山貝子二十九年卒子布延濟爾噶勒  
襲四十四年卒子和託羅襲四十六年卒子鄂勒哲布圖庫襲四十七年

詔世襲罔替為中上旗

汗車凌族叔父達什悼多克乾隆十八年來歸授札薩克一等台吉二十三年  
卒子寶貝襲四十七年

詔世襲罔替為中下旗

汗車凌族子額布根乾隆十八年額布根及兄蒙克特穆爾弟齊巴克等從三  
車凌來歸

詔封蒙克特穆爾札薩克固山貝子尋附車凌蒙克子巴朗

叛遁額布根慚奮請從大軍進征且擒叛黨自贖

薩克一等台吉二十二年卒無嗣弟齊巴克襲四十七年

詔世襲罔替

為中前左旗

後蒙古紀事本末

卷下

漢西分藩

四十

汗車凌族子班朱爾乾隆十八年來歸授札薩克固山貝子尋卒從弟奇塔襲  
四十四年卒子羅卜藏薩布坦襲四十七年

詔世襲罔替為中前右旗

汗車凌族弟恭錫喇乾隆十八年來歸授札薩克一等台吉二十一年卒子車  
登襲四十五年卒子諤勒哲鄂羅什瑚襲四十六年卒弟烏巴什襲四十七年

詔世襲罔替為中後左旗

汗車凌族子巴爾乾隆十八年來歸授札薩克一等台吉二十三年卒子布達  
什哩襲四十七年

詔世襲罔替為中後右旗

輝特始祖札巴甘墨爾根有子烏達納諾顏十傳至鄂羅哩克和碩齊子三長  
達什次濟木巴次鄂木布達什子色布騰色布騰子班珠爾班珠爾子二長達  
瑪璘次曼濟初輝特為杜爾伯特屬游牧塔爾巴哈台世為婚姻達瑪璘杜爾

伯特長車凌女夫也準噶爾亂達瑪璘攜孥遠徙投屬奔赴額琳哈畢爾噶以  
故三車凌內附達瑪璘不獲從至乾隆二十年車凌以所部從征達瓦齊次額

琳哈畢爾噶達瑪璘屬戶四十餘萬乞降伊犁定

賜杜爾伯特諸台吉

游牧地達瑪璘聞之間道至烏里雅蘇台攜戶六十餘請內徙錄車凌收

詔授札薩克一等台吉從取編伍領如杜爾伯特四十二年達瑪珠克圖嗣以弟曼濟子布爾布達爾濟襲四十七年

右杜爾伯特部左翼十一旗附輝特一旗

汗車凌從子車凌烏巴什乾隆十八年從車凌來歸從者千二百餘戶

詔封札薩克多羅郡王二十年授參贊大臣從西路軍進征伊犁定管封和碩親王授右翼盟長二十七年

詔杜爾伯特左右翼各設副將軍右翼

用正黃旗纛給 敕印軍符授車凌烏巴什右翼副將軍 命御前行走

賜岱青卓哩克圖號二十八年以兵緝烏梁海叛賊庫克宰誅之

詔賜幣四十八年入覲 京師四十七年 詔世襲罔替五十五

年卒無嗣以從姪孫固魯札布襲為前旗

汗車凌從子剛多爾濟乾隆十九年自津噶爾挈戶千餘來歸

薩克多羅貝勒二十年授副盟長二十一年納慶庫叛 諭曰剛多爾濟

自授副盟長以來鈐束部眾尚為安謐著即授為盟長三十二年卒無嗣以弟

貝子額爾德尼子達瓦丕勒襲四十七年 詔世襲罔替為前右旗

後蒙古紀事本末 卷下 漢西分藩

汗車凌族弟根悳乾隆十八年來歸 詔封札薩克固山貝子二十一年

卒子扣肯襲三十三年扣肯卒無嗣 詔以根悳之弟雙和爾隆襲鎮國

公四十五年卒子瑪勒哲鄂羅什瑚襲四十七年 詔世襲罔替為中右旗

達瑪珠從叔父羅卜藏乾隆二十年大軍定伊犁羅卜藏率屬內附

授札薩克一等台吉隸杜爾伯特游牧二十一年卒子衮布襲四十七年

詔世襲罔替為輝特下後旗

右杜爾伯特部右翼三旗附輝特一旗 凡十六札薩克同游牧牧料布多金

山之東烏蘭固木地東至薩拉陀羅海納林蘇穆河南至哈喇諾爾濟爾噶

圖山西至索果克河北至阿斯哈圖河左右翼分二盟統

濟雅哈圖 賜名審音

土爾扈特部 始祖元臣翁罕姓不著七傳至貝果鄂爾勒克子四長珠勒札

幹鄂爾勒克生子一曰和鄂爾勒克居於雅爾之額什爾努拉地初衛拉特諸

酋以伊犁為會宗地各統所部不相屬準噶爾部酋巴圖爾琿台吉春游牧阿

爾台特其強侮諸衛拉特和鄂爾勒克惡之聖其機走俄羅斯屯牧額濟勒河

俄羅斯當與雪西洋及西費雅斯科戰土爾扈特以兵助之厥後稍就弱俄羅斯因稱為己屬土爾扈特習蒙古俗務畜牧逐水草徙與俄羅斯城郭處異衣冠用繒罽復與諸衛拉特絕異順治十二三四年和鄂爾勒克子書庫爾覺青伊勒登諾顏羅十藏諾顏相繼遣使奉書庫爾覺青子明蘇克明蘇克子阿玉奇世為土爾扈特長至阿玉奇始自稱汗康熙中表貢不絕五十一年復遣使假道俄羅斯貢方物

上嘉其誠且欲悉所部疆域

遣內閣侍

讀圖理琛等齎

載往歷二載乃還阿玉奇附表奏謝乾隆二十一年所

部使吹札布等入覲稱奉其汗愾囉布喇什令假道俄羅斯三載方至請赴唐古特謁達賴喇嘛

上遣官護往二十二年自唐古特還并

頒賜

惇囉布喇什帶物二十三年伊犁平有附牧伊犁之士爾扈特族台吉全梭等奔額濟勒河既而惇囉布喇什卒子渥巴錫嗣為汗三十六年渥巴錫率諸台吉及舍梭等挈全部三萬餘戶內附蓋自國初綏服蒙古以來至是乃盡族而臣之

詔以新舊別稱各設札薩克其牧而處曰烏訥恩蘇珠克圖盟

舊土爾扈特部以汗渥巴錫領之仍分賜牧地為東西南北四路皆和鄂爾勒

後蒙古紀事本末

卷下

漢西分藩

四三

克倫渥巴錫所屬舊部也曰青色特啟勒圖盟新土爾扈特部以郡王舍梭領之別授貝子皆衛察察布察齊喬從舍梭往而復歸者也其和碩特貝勒恭格等則自為一盟附於南路云

南路舊土爾扈特部在喀喇沙爾城北當天山之南珠勒都斯至京師八

千六百餘里古西域地漢及魏晉為烏孫國地北魏為高車國地周為突厥地唐為鷹娑都督府地宋屬西州回鶻明為回部所據乾隆二十三年回部平地屬喀喇沙爾大臣轄三十六年賜南路舊土爾扈特及中路和碩特為

牧地四旗

渥巴錫者阿玉奇曾孫也乾隆三十六年挈所部內附昆弟子姓從之入覲

詔仍稱汗泣其眾

賜號卓哩克圖授札薩克三十七年

賜

收齋爾三十八年徙收珠勒都斯三十九年卒子策琳納木札勒襲四十年定齋爾牧為舊土爾扈特部南路以策琳納木札勒領之授盟長

賜札薩

克及盟長印四十八年

詔世襲罔替為南路汗旗

汗渥巴錫從子額墨根烏巴什父唐阿特祖巴圖惇囉布喇什弟也乾隆二十

六年封固山貝子 賜號巴雅爾圖授札薩克尋卒子恭但襲四十年授副盟長轄南路中翼旗務 賜札薩克印四十八年 詔世襲罔替

嘉慶十六年卒子巴勒丹拉什襲卒子崇庫那遜襲道光十年管多羅貝勒世襲罔替為中旗

汗渥巴錫從子拜濟瑚父喀木齊克唐阿特弟也乾隆三十六年封札薩克輔國公三十七年 詔轄南路右翼旗務 賜札薩克印四十八年

詔世襲罔替為右旗

汗渥巴錫從弟伯爾哈什哈父多爾濟喇什巴圖弟也乾隆三十年授札薩克一等台吉四十年 詔轄南路左翼旗務 賜札薩克印四十八年

詔世襲罔替為左旗 所部四旗同游牧有珠勒都斯河統游牧境東

踰天山至博爾圖嶺南至扣克納克嶺西至天山北至喀倫自為一盟曰烏訥恩素珠克圖盟南路隸喀喇沙爾大臣兼轄歸伊犁將軍節制

中路和碩特部 附南路土爾扈特部同游牧珠勒都斯至 京師八千六百餘里和碩特部舊為四衛拉特之一 牧青海伊犁諸境及願實汗裔繁衍或稱

後蒙古紀事本末 卷下 漢西分藩 四十三

青海額魯特或稱阿拉善額魯特皆不著和碩舊號稱和碩特者皆願實汗兒子多爾濟及額爾克岱青鄂克綽特布喬也未詳自何時徙牧俄羅斯境乾隆

三十六年多爾濟元孫恭格從土爾扈特渥巴錫挈族來歸 詔和碩特部人自恭格以下并授貝勒貝子台吉諸爵號於是封恭格為多羅貝勒

賜土謝圖號三十七年 賜收珠勒都斯設札薩克四三十八年恭格卒子德勒克烏巴什襲授盟長轄所部眾四十八年 詔世襲罔替五十年

六年德勒克烏巴什卒弟騰特克襲嘉慶二年卒以絕嗣停襲今所部餘札薩克三

恭格族叔父雅蘭丕勒額爾克岱青鄂克綽特布曾孫也乾隆三十六年封固山貝子 賜阿穆爾哈貴號授札薩克尋雅蘭丕勒請捐妻孥為喇嘛從

章嘉呼圖克圖游 詔授札薩克喇嘛子布顏楚克襲爵四十年授盟長轄中路旗務 賜札薩克印四十八年 詔世襲罔替為中路中旗

恭格族弟諾海乾隆三十六年來歸授札薩克一等台吉 轄右翼旗務 賜札薩克印四十八年 詔世襲罔替為中路右旗

恭格族弟巴雅爾拉瑚乾隆三十六年來歸授一等台吉尋卒子齊業齊業四十年授札薩克轄左翼疆務 賜印四十八年 詔世襲罔替為中

路左旗 所部三旗同牧地在南路舊土爾扈特部之西自為一盟曰巴啟色勒啟勒圖隸喀喇沙爾大臣兼轄歸伊犁將軍節制

北路舊土爾扈特部 在塔爾巴哈台城東當金山之西南霍博克薩里至京師九千七百餘里漢時為匈奴西境烏孫北境北魏為蠕蠕地後周時入於

突厥唐為西突厥地明時為衛拉特地舊為準噶爾台吉游牧處乾隆二十年準部平地屬塔爾巴哈台轄三十六年 賜北路舊土爾扈特為牧地三

旗

汗渥巴錫族子策伯克多爾濟曾祖衮札布阿玉奇汗之子也乾隆三十六年從渥巴錫入覲封和碩親王 賜號布延圖授札薩克四十年定霍博克

薩里為舊土爾扈特部北路以策伯克多爾濟領之授盟長 賜印四十二年卒弟奇哩布襲四十八年 詔世襲親王爵罔替為北路旗

親王策伯克多爾濟之子恭格車凌初授公品級一等台吉乾隆五十年授札後蒙古紀事本末 卷下 漢西分藩 四十四

薩克 詔轄其父屬眾別鑄北路右翼札薩克印 賜之缺出請 旨為右旗

汗渥巴錫族子阿克薩哈勒親王奇哩布弟也乾隆三十六年授一等台吉四十年 詔轄北路左翼旗務授札薩克 賜印四十四年授副盟長

五十四年卒子阿咱拉襲五十七年封輔國公卒子多爾濟那木札爾道光二年降一等台吉世襲罔替為左旗 所部三旗同牧其地東至噶札爾巴什諾

爾西至察漢鄂博南至戈壁北至額爾齊斯河自為一盟曰烏訥恩素珠克圖盟北路隸塔巴哈台大臣兼轄歸伊犁將軍節制

東路舊土爾扈特部 在庫爾喀喇烏蘇城西南當天山之北濟爾噶朗至京師九千五百餘里漢時為烏孫國地北魏為蠕蠕地後周時入於突厥唐為

西突厥地後為嗚鹿州都督府地明時為衛拉特地舊為準噶爾各鄂拓克及各台吉游牧處乾隆二十年準部平地屬烏魯木齊統轄三十六年 賜

東路土爾扈特為牧地二旗

汗渥巴錫族弟巴木巴爾曾祖納札爾瑪穆特阿玉奇汗從弟也乾隆三十六

年授札薩克郡王 賜單錫呼勒圖號三十九年卒子車凌德勒克襲四十年定濟爾噶朗為舊土爾扈特部東路 命轄右翼旗務授盟長

賜印四十八年

詔世襲罔替為右旗

汗渥巴錫族子奇布騰父葉木沁郡王巴木巴爾之弟也乾隆三十六年授札薩克固山貝子 賜依特格勒號四十年授盟長轄東路左翼旗務四十年

八年 詔世襲罔替為左旗

所部二旗同收其地跨濟爾哈朗河東至奎屯河南至南山西至庫爾喀喇烏蘇屯田北至戈壁自為一盟曰烏訥恩素

珠克圖盟東路隸庫爾喀喇烏蘇大臣管轄歸烏魯木齊都統及伊犁將軍節制

西路舊土爾扈特部 在伊犁城東當天山之北晶河東岸號晶土爾扈特至京師一萬餘里漢時為烏孫國地北魏時為悅般國尋為蠕蠕所併後周時

入於突厥唐初為西突厥地後為盟鹿州都督府地元為阿勒穆爾地明時為衛拉特地舊為準噶爾各鄂拓克及各台吉游牧處乾隆二十年準部平地屬

伊犁將軍統轄三十六年 賜舊土爾扈特為牧地一旗

後蒙古紀事本末

卷下 漢西分藩

四十五

汗渥巴錫族叔父默們圖高祖羅士藏諾顏書庫爾岱青弟也乾隆三十六年封貝勒 賜濟爾噶朗號授札薩克四十年定晶河牧地為舊土爾扈特

部西路授盟長

賜印四十八年

詔世襲罔替為西路旗 所部

一旗分地東至精河屯田南至哈什山陰西至托霍木圖臺北至喀喇塔拉額西柯淖爾為界自為一盟曰烏訥恩素珠克圖盟西路隸伊犁將軍節制

額濟納舊土爾扈特部

在阿拉善旗之西當甘肅省甘州府及肅州邊外至

京師五千五百餘里漢為居延縣地張掖郡都尉治此後漢初因之安帝時改置張掖居延屬國別領居延一城獻帝建安末立為西海郡魏晉因之水嘉

以後地屬前涼張軌後涼呂光北涼沮渠蒙遜西涼李暹等相繼割據元魏為涼州所轄地隋唐為甘州肅州北境大歷中陷於吐蕃宋景德中地屬西夏曰

威福軍元為亦集乃路屬甘肅行中書省明為甘州肅州二衛邊外地一旗翁罕六世孫曰瑪哈齊蒙克有子二其長曰貝果鄂爾勒克貝果鄂爾勒克之

曾孫曰書庫爾岱青第四子曰納木策稜是生納札爾瑪穆特為土爾扈特部阿玉奇汗族弟阿玉奇汗游牧額濟勒河地逼俄羅斯及準噶爾康熙四十三

年。詔封納札爾瑪穆特之子阿喇布珠爾為固山貝子。

賜收色

爾騰先是阿喇布珠爾嘗偃道準噶爾謁達賴喇嘛既而阿玉奇與準噶爾首策妄阿喇布坦修怨阿喇布珠爾自唐古特還以準噶爾道梗留嘉峪關外遣使至京師乞內屬。上憫其無歸故有是命。使轉其眾五十五

年阿喇布珠爾奏請從軍效力。

詔率兵五百駐噶斯旋卒。子丹忠襲雍

正七年來朝晉封多羅貝勒九年以色爾騰收道噶斯之察罕齊老圖懼達噶爾掠乞內徙陝西總督查郎阿令攜威屬游牧阿拉克山阿勒坦特十什等處尋定牧額濟河內乾隆五年丹忠卒子羅卜藏達爾札襲十八年

詔世

襲罔替分地跨昆都倫河東至古爾畢南至毛目縣丞民地西至大戈壁北至阿濟山。所部以來歸先故亦稱舊土爾扈特不設盟長。

新土爾扈特部。在科布多城西南至京師七千餘里元初為乃蠻國太祖滅之後為和林行省所屬地明屬衛拉特。本朝既平噶爾丹於科布多設屯田駐大兵營孔道乾隆間始。賜新土爾扈特為牧地初土爾扈特皆從

牧額濟勒河與準噶爾絕翁罕十四世孫舍穆獨率諸昆弟附牧伊犁境為準

後蒙古紀事本末

卷下

漢西分藩

四六

噶爾屬台吉大軍征準噶爾獲達瓦齊阿睦爾撒納等以叛相次誅滅舍穆獨抗不降竄匿庫克烏蘇喀喇塔拉境乾隆二十三年

詔定邊將軍成衮

札布副將軍兆惠馳剿之舍穆謀奔俄羅斯我軍尾及之於布什古河源射擒其從弟勞章札布舍穆乃詭約降計戕我副都統唐喀祿馳踰喀喇瑪嶺歸額濟勒土爾扈特牧三十六年復唆其汗渥巴錫來搶伊犁抵他木哈知內備固計無所出不得已隨渥巴錫歸順。賜收布勒罕河設札薩克二。

舍穆之入覲也稽首請罪。

上宥之封多羅郡王。

賜弼哩克圖號

二十七年授新土爾扈特盟長轄左翼旗務。

賜札薩克印四十八年

詔世襲罔替為新石旗。

舍穆從子沙喇扣肯父巴圖爾烏巴什為準噶爾台吉噶爾丹策零之婿乾隆二十三年沙喇扣肯從舍穆竄奔額濟勒河二十六年來降封固山貝子授札薩克。賜烏察喇勒圖號三十七年授副盟長轄右翼旗務。賜印

四十八年

詔世襲罔替為新左旗。

所部二旗牧地當金山南烏隆古

河之東自為一盟曰青色特啓勒圖隸科布多大臣兼轄歸定邊左副將軍節

制

新和碩特部 在科布多城南至 京師七千餘里一旗

和碩特台吉巴雅爾拉瑚之族蒙襲乾隆三十七年率屬來歸願附新土爾扈

特貝子沙喇扣肯之旗

詔封一等台吉賞半佐領令其附居蒙襲卒子

布彥克襲五十七年沙喇扣肯殘害所屬下人事聞

命移於杜爾伯特

近處游牧嘉慶元年科布多參贊大臣秦蒙襲妻鑿彥率布彥克什克詣言所

屬生齒日繁求給印以資鈐轄

詔依杜爾伯特例給札薩克印不食俸

缺出請

旨分地當金山東南哈爾察克不設盟長隸科布多大臣兼轄亦

歸節制

青海分藩

青海和碩特部

今作霍碩特

在西甯邊外至 京師五千七十里東及北界甘肅

西界西藏南界四川蔓延二千餘里本禹貢西戎地夏殷周皆屬西羌漢為張

掖武威金城隴西四郡之西塞外及蜀郡之北徼外屬先零燒當等諸羌地王

莽時始置西海郡歷後漢魏晉皆諸羌所居唐晉以後又為吐谷渾所據隋大

後蒙古紀事本末

卷下 青海分藩

四十七

業五年平吐谷渾置西海河源等郡隋末吐谷渾復據其地唐初擊破之龍朔

三年吐蕃滅吐谷渾盡有其地宋亦為吐蕃地元為貴德州及吐蕃朵甘思等

處屬吐蕃等處宣慰司明為西番地正德四年始為蒙古部酋所據名為海寇

國初顧實汗自西北侵有其地顧實汗者元太祖弟哈布圖哈薩爾七傳至

阿克薩瑪勒泰子二長阿魯克特穆爾今內札薩克科爾沁札賚特杜爾伯特

郭爾羅斯阿魯科爾沁四子部落茂明安烏喇特八部其裔也次烏魯克特穆

爾九傳至博貝密爾咱稱衛拉特汗子哈尼諾顏洪果爾繼之有子六圖魯拜

琥其第四子也號顧實汗既據有青海分部眾為左右二翼子十人領之左境

東自西甯邊外棟科爾廟西至嘉峪關邊外洮沓河界八百餘里南自西甯邊

外博羅充克北岸北至涼州邊外西喇塔拉界四百餘里東南自西甯邊外拉

喇山西北至甘州邊外額濟納河四百餘里東北自永昌邊外西南至嘉峪關

邊外布隆吉爾河岸二千餘里右境東自棟科爾廟西至噶斯池界二千五百

餘里南自松潘邊外漳臘嶺北至博羅充克河南岸千五百餘里東南自洮州

邊外達爾濟嶺西北至嘉峪關邊外塞爾騰西爾噶拉金界二千餘里東北自



西甯邊外克騰庫特爾西南至穆魯魯蘇河千五百餘里。崇德二年遣使通貢七年復偕達賴喇嘛奉表貢順治三年

年封遵義文行敏慧顧實汗

賜金冊印康熙三十七年顧實汗第十子

達什巴圖爾來朝

詔封和碩親王諸台吉授貝勒貝子公等爵有差雍正元年達什巴圖爾子羅卜藏丹津叛大軍討之越歲而定

地界三年一貢分三班九年而周置互市於西甯四川口外之納喇薩刺地如

內蒙古例編置佐領以札薩克領之凡青海和碩特二十一旗

顧實汗第六子多爾濟之次子策旺喇布坦號達賴岱青嗣父為和碩特八台

吉之一康熙三十六年來朝四十二年封多羅郡王四十四年子額爾克巴爾

珠爾鼐四十五年為諸昆弟所迫自戕死子朋素克旺札勒降襲多羅貝勒雍正三年

賜親王品級分地在布喀河南岸為西前旗

顧實汗第五子伊勒都齊有子二長罕都再傳嗣絕次博碩克圖濟農之第三

子曰察罕丹津號岱青和碩齊康熙四十年來朝封多羅貝勒五十六年晉封

後蒙古紀事本末

卷下 青海分藩

四十八

郡王五十九年從大軍送達賴喇嘛入藏雍正元年叙功封和碩親王三年授

札薩克十三年卒子愷多布旺札勒先卒嗣絕

詔以察罕丹津從子拉

察布之子旺舒克嗣子旺丹多爾齊帕拉木繼襲爵嗣復絕

詔以旺舒

克從子納罕多爾濟降襲多羅郡王承察罕丹津祀乾隆四十七年

詔

世襲罔替分地南當黃河之曲為前頭旗

顧實汗第三子達蘭泰之子交布號阿齊巴圖爾康熙四十三年以先諸台吉

內附封多羅貝勒四十四年卒子額爾德尼額爾克托克托襲襲五十五年

詔分領青海左翼雍正元年叙進藏功晉封郡王三年授札薩克乾隆四

十七年 詔世襲罔替分地在大通河南岸為前左翼頭旗

郡王策旺喇布坦從子達顏祖多爾濟父薩楚墨爾根台吉相繼為青海右翼

長康熙三十年達顏嗣五十五年以議遷達賴喇嘛瑚畢勒罕事定

分領青海右翼是年十二月來朝封多羅貝勒五十七年卒子旺舒克喇布坦

嗣六十一年卒無嗣達顏妻玉木楚木察罕達喇請以達顏弟噶勒丹岱青諾爾布之子達什車凌嗣

詔降襲固山貝子噶勒丹岱青諾爾布初為開

散台吉雍正二年羅卜藏丹津會之叛不從迎降大軍復以兵擊賊黨叙功封固山貝子世襲罔替噶爾丹岱青諾爾布尋卒其妻請以達什車凌襲葬之詔從優加恩併兩貝子爵為貝勒仍世襲罔替三年授札薩克分地路崇集河為西後旗

顧寶汗第七子瑚魯木什順治六年助大軍討河西逆回復招降西甯城賜巴圖爾額爾德尼岱青號有子四長根札再傳絕次哈坦巴圖爾次達爾巴次東圖康熙四十四年哈坦巴圖爾卒遺疏為子達什愷多布求恤詔封輔國公尋卒無子五十七年準噶爾亂

命青海諸台吉往援時達爾巴之孫車凌愷多布孤幼母楚克齊納木札勒以所屬唐古特兵萬從軍大軍入藏復獻糧餼雍正元年議功特賜車凌愷多布貝勒爵尋附羅卜藏丹津叛大軍至迎降詔置伊克烏蘭和碩給茶麥養事定降固山貝子

三年卒無嗣以其從祖東巴之次子丹巴襲授札薩克乾隆四十七年詔世襲罔替分地在青海北岸為北右翼旗顧寶汗第八子魯噶爾札生子塔薩博羅特號和碩特子二長愷多布達什次

後蒙古紀事本末 卷下 青海分藩 四九

索諾木達什康熙四十四年愷多布達什封輔國公雍正元年叙入藏功晉鎮國公未幾卒羅卜藏丹津叛以索諾木達什鄰牧誘擒之尋脫歸詔封固山貝子給上等產業青海定遣歸牧三年授札薩克次子噶勒丹旺札勒第

三子莽鼎相繼襲莽莽卒子羅卜藏色布騰襲乾隆二十一年以不嚴防汛罪削札薩克改授閒散貝子以其弟巴濟勒特代掌札薩克降授一等台吉四十七年詔世襲罔替四十九年子拉札布襲五十六年卒詔仍以

羅卜藏色布騰襲復因大兵征廓爾喀巡綽台站功賞給貝勒四級分地東至哈喇諾爾南至科爾魯克西至窩果圖爾北至伊克柴達木為北左翼旗

顧寶汗長子達延鄂爾齊汗之次子多爾濟子垂庫爾生子五長噶爾丹達什康熙三十六年從達什巴圖爾內附五十年封輔國公雍正元年叙入藏功晉鎮國公三年授札薩克子丹津納木札勒索納木巴勒濟相繼襲卒皆無嗣乾隆十三年詔以索諾木衣布次子之子索諾木多爾濟襲降授輔國公

承噶爾丹達什祀四十七年詔世襲罔替分地東至吉噶素台鄂蘭布

拉克南至和洛海西至布都克圖烏蘭和碩北至青海為南左翼後旗

鄂齊爾汗李子墨爾根諾顏子二長車凌康熙五十年封輔國公雍正三年授札薩克乾隆四十七年詔世襲罔替分地在青海西岸為北前旗

鄂齊爾汗第五子索諾木達什康熙五十年封輔國公五十一年卒次子諾爾布朋素克襲雍正元年叙進藏功增俸三年授札薩克四年卒嗣子達什巴勒珠爾襲七年卒無嗣詔以其從祖索諾木衮布之子車凌襲承諾木達什祀乾隆四十七年

顧寶汗伯兄哈納克土謝圖孫圖瑚爾綽克圖生子四次達木巴爾濟次僧格僧格之子車凌納木札勒康熙三十六年從達什巴圖內附雍正元年羅卜藏丹津噶之叛不從游牧被掠集昆弟子姓來歸自編屬丁為佐領青海定

遣歸牧三年設公中札薩克凡三十三台吉以車凌納木札勒領之授一等台吉十年卒無嗣詔以達木巴達爾濟之子巴勒襲乾隆四十七年

貝勒納木札勒之弟阿喇布坦雍正元年羅卜藏丹津噶之叛不從三年授札

後蒙古紀事本末

卷下 青海分藩 五十

薩克一等台吉乾隆四十七年詔世襲罔替分地在大通河北岸為西右翼前旗

博碩克圖濟農長子岱青巴圖爾有子三長阿喇布坦札木素康熙五十九年封輔國公雍正三年授札薩克乾隆五年卒無嗣詔以其弟悳多布鄂

木布之子達什納木札勒襲卒嗣子禮塔爾襲時達什納木札勒有子隆賁幼禮塔爾母匿不告四十年郭羅克番掠青海牧禮塔爾為所戕駐劄西甯大臣以隆賁伏聞詔降襲札薩克一等台吉四十七年

分地當魯察布拉山之西為南右翼中旗詔世襲罔替

博碩克圖濟農次子墨爾根諾顏子拉察布生子三長察罕喇布坦次旺舒克喇布坦次旺舒克康熙五十年封拉察布輔國公五十五年晉固山貝子雍正

元年叙入藏功晉多羅貝勒未幾附羅卜藏丹津叛大兵至懼討奔巴爾喀木子察罕喇布坦等迎降詔拉察布至

察罕喇布坦等迎降詔降為鎮國公三年宥罪授札薩克九年土爾扈特族諾爾布叛拉察布復附之察罕布喇布坦諫不從攜之由索羅木河遁副都統達賴率兵追之察罕喇布坦降拉察布亦悔罪歸青海牧

諭交察罕丹津嚴行管轄授察罕喇布坦札薩克一等台吉乾隆二年卒。子多爾濟色布騰襲四年卒。無嗣。詔以旺舒克喇布坦襲二十三年卒。子納罕多爾濟襲三十六年。詔襲其從兄旺丹多爾濟帕拉木所遺

札薩克一等台吉四十七年。詔世襲罔替分地西濱黃河為南左翼中旗。

札薩克郡王額爾克巴勒珠爾次子伊什多爾札布雍正元年羅卜藏丹津脅之叛不從三年授札薩克一等台吉乾隆四十七年。詔世襲罔替分地東至柴吉齊沁南至鹽海西至哈唐和碩特為北左末旗。

墨爾根台吉第六子額璘沁達什初封固山貝子晉多羅貝勒以附羅卜藏丹津叛削爵有子三雍正三年授次子達瑪璘色布騰札薩克一等台吉乾隆十

四年卒無嗣弟博貝襲二十五年卒無嗣。詔以額璘沁達什長子巴特瑪色布騰之子旺札勒襲四十七年。詔世襲罔替分地在布喀河源沙

爾諾爾之西為北右末旗。額實汗第四子巴延阿布該阿玉什有子十六分收青海及西套札布其季也

後蒙古紀事本末 卷下 青海分藩 五十二

留處青海康熙三十六年從達什巴圖爾內附雍正三年授札薩克一等台吉轄其族乾隆四十七年。詔世襲罔替分地在青海東北岸為東上旗。

郡王額爾德尼額爾克托克托襲子四長阿喇布濟雍正三年授協理台吉九年以功晉一等台吉未幾令額爾德尼額爾克托克托兼於諸子中選擇可襲

王爵者封其第三子索諾木丹津為長子阿喇布濟晉輔國公尋卒次子索諾木達什嗣協理台吉阿喇布濟子多爾濟襲輔國公乾隆十一年額爾德尼額爾

爾克托克托兼請以所屬十佐領給索諾木丹津子之六給第四子車凌多爾濟濟之四以索諾木達什隸索諾木丹津以多爾濟襲車凌多爾濟別設一札

薩克允之授多爾濟札薩克一等台吉四十七年。詔世襲罔替分地有鹽池為南左翼次旗。

顧寶汗次子鄂木布號車臣岱青順治六年助大軍討河西逆回復招降西甯城賜土謝圖巴圖爾岱青號卒長子墨爾根台吉嗣。詔去巴圖爾號襲

土謝圖岱青號卒子納木札勒襲自號額爾德尼康熙三十六年入覲封多羅貝勒仍襲土謝圖岱青號卒子羅卜藏察罕襲雍正元年附羅卜藏丹津叛歲

悔罪降

詔置西甯口外給茶麥養之事定議罪前對三年

命仍

領游牧衆授札薩克一等台吉六年來朝封輔國公乾隆七年卒子多爾濟色布騰降襲一等台吉四十七年

詔世襲罔替分地賞博羅克克河添為

南左翼末旗

羅卜藏達爾札號車臣岱青父卓哩克圖岱青願實汗次子鄂木布之次子也康熙三十六年和碩特諸台吉入覲羅卜藏達爾札幼不獲至母阿勒達爾以聞

詔封輔國公五十年來朝晉固山貝子尋授盟長六十年卒子濟克濟札布降襲輔國公雍正元年羅卜藏丹津魯之叛二年降議罪削爵三年

詔仍領游牧衆授札薩克一等台吉乾隆四十七年

詔世襲罔

替分地在黃河北岸為南右翼末旗  
瑚魯木什第四子秉圖生子二長色布騰博碩巴圖初為閒散台吉雍正元年羅卜藏丹津魯之叛不從三年授札薩克一等台吉乾隆四十七年

世襲罔替分地跨柴達木河為西右翼後旗

詔

願實汗弟色稜哈坦巴圖爾有子十一其第七子曰茂濟喇克再傳至哈爾噶

後蒙古記事本末

卷下

青海分藩

五三

斯雍正元年羅卜藏丹津魯之叛不從三年授札薩克一等台吉乾隆四十七年

詔世襲罔替分地跨柴達木河為西左翼後旗

右二十一旗與綽羅斯二旗輝特一旗土爾扈特四旗喀爾喀一旗凡二十九旗及察罕諾們罕為一盟不設盟長以西甯辦事大臣治之

青海綽羅斯部 故準噶爾族也乾隆十九年準噶爾平其後遂微存者不復著舊號附牧賽音諾顏部者曰額魯特二旗與賽音諾顏部同盟附牧青海者曰綽羅斯二旗

準噶爾族舊游牧阿爾台噶爾丹之父巴圖爾璉台吉死子僧格嗣為準噶爾長其異母兄車臣卓特巴巴圖爾以爭屬產與僧格隙劫殺之噶爾丹為僧格同母弟歸自唐古特執車臣殺之卓特巴巴圖爾奔青海康熙三十六年噶爾丹平

遣使招撫青海時卓特巴巴圖爾卒子色布騰札勒幼不獲從和

碩特諸台吉至四十二年來朝封多羅貝勒雍正元年羅卜藏丹津魯之叛不從遣使告復以開諭逆黨悔罪內附功晉封多羅郡王亂定王大臣議勿令隸和碩特族

允之三年授札薩克一等侯喇布坦傳至孫索諾木多爾

濟卒無嗣 詔以色布騰札勒次子車凌圖勒木之子色布騰多爾濟襲三十年

卒無嗣以其從祖車木伯勒襲降授多羅貝勒四十七年 詔世襲罔替

分地當青海東南岸為南右翼頭旗

卓哩克圖和碩齊亦巴圖爾璉台吉子避噶爾丹亂從收青海依和碩特族有

子四其季曰納木奇札木禪子阿喇布坦康熙五十五年來朝授公品級一等

台吉

賜札薩克職雍正三年晉輔國公乾隆四年卒子納木札勒車凌

襲十五年自青海赴唐古特次喀喇烏蘇聞珠爾默特納木札勒叛馳至布達

拉城護視達賴喇嘛亂定晉封固山貝子四十七年

詔世襲罔替分地

在青海西北岸為北中旗

青海土爾扈特部 姓不著始祖翁罕六傳至瑪哈齊蒙克生子二長貝果鄂

爾勒克子四其第三子保蘭阿噶勒琿第四子莽海始游牧青海與和碩特族

錯居順治八年莽海次子博第蘇克始通貢自稱青海土爾扈特台吉初其族

隸和碩特雍正元年羅卜藏丹津叛有諾顏格隆者附之已而乞降從岳鍾琪

剿賊事定以習沙門法宥從逆罪王大臣議別設旗分佐領令勿隸和碩特族

後蒙古紀事本末

卷下

青海分藩

五十三

允之二年設札薩克四

保蘭阿噶勒琿子車臣諾顏生拉瑪達什號圖爾根台吉子索諾木喇布坦多

爾濟雍正三年授札薩克一等台吉七年卒無子嗣絕以博第蘇克曾孫襲

四十七年

詔世襲罔替分地東至果庫圖爾南至果庫圖爾山木庫爾

西至庫克烏松北至亥阿爾台為南中旗

莽海曾孫色梭吉斯札布第三子鄂爾齊有子四長諾爾布次色特爾布木次

亥木札布次拉蘇囉札布雍正元年羅卜藏丹津叛諾爾布附之尋悔罪來歸

詔宥之三年授札薩克一等台吉九年復叛色特爾布木不從且以兵

剿逆黨

獎賜銀幣襲諾爾布所遺爵乾隆二十一年子烏爾占襲烏爾

占卒無嗣

命以亥布札布之子伊達襲四十七年

詔世襲罔替

分地東至亥阿爾台南至黃河西至哈爾古爾希北至庫克烏蘇庫克烏蘇為

西旗

貝果阿爾勒克弟翁貴生額濟內有子四其次曰特穆納始游牧青海子二阿

勒達爾最少子二長察罕喇布坦次達爾札雍正元年羅卜藏丹津叛察罕喇

布坦偕和碩親王察罕丹津來歸授札薩克一等台吉九年從諾爾布叛達爾札留牧察罕喇布坦尋被擒

詔免死國營內甯以達爾札襲所遺爵乾隆九年卒子色布騰多爾濟襲卒無嗣仍以察罕喇布坦之子交楚克襲四十七年

詔世襲固替分地有大哈柳圖河入於黃河為南前旗特穆納次子阿玉什有子曰拜博號額爾克濟農子丹忠號額爾德尼濟農雍正元年羅卜藏丹津脅之叛不從二年授札薩克一等台吉乾隆十年卒子納

木錫哩策旺襲十四年卒無嗣以族弟都勒瑪札布襲都勒瑪札布高祖庫德特額濟內之季子也四十七年

詔世襲固替分地東至莫古立源南至

察阿爾台西至庫克烏松木魯北至登納吉爾尼為南後旗

青海輝特部 一旗姓伊克明安有卓哩克圖和碩齊者生子第巴號青諾顏始游牧青海附和碩特族雍正二年王大臣議青海之輝特請別設旗分佐領勿隸和碩特族 允之

第巴子五其第四子曰貢格雍正元年羅卜藏丹津脅之叛不從率昆弟子姓降大軍助剿逆黨三年授札薩克一等台吉九年以擒獲土爾扈特叛人諾爾

後蒙古紀事本末 卷下 青海分藩 五十四

布功晉封輔國公乾隆四十七年 詔世襲固替五十六年貢格曾孫達

瑪璘復因大兵征廓爾喀巡綽臺站功 賞貝子品級分地當巴彥諾爾

之南為南旗

青海喀爾喀部 一旗格塔森札札賚爾理台吉季子鄂特歡諾顏有子二長

唐古特墨爾根岱青三傳至通謀克授札薩克輔國公隸札薩克圖汗部次多

爾濟阿喇布坦伊勒登徙牧青海子訥克額爾德尼阿海生達什帽多布不復

歸喀爾喀部隸和碩特族雍正元年羅卜藏丹津脅青海喀爾喀諸台吉附已

訥克額爾德尼阿海從子根惇迎大軍降王大臣議青海之喀爾喀請別設旗

分佐領勿隸和碩特族 允之 雍正三年授根惇公中札薩克一等台吉未幾以嗜酒且異本部諸台吉際不

任札薩克職罷之 命往就通謀克牧乾隆三年 上以喀爾喀族

聚青海不忍令析處授達什帽多布公中札薩克一等台吉四十七年 詔復以公中議襲分地在青海南岸為南右旗

